



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

2

AURORA

DULA NGA DUNAY TOLO KA BAHIN
SINULAT NI

1

VICENTE SOTTO

Guipagula sa Dulaang Junquera sa ika 13 sa Julio
sa 1903.

Primera edicion: 5,000 ejemplares.

4 * ORI


pu

SUGBU—FILIPINAS

Imprenta sa ANG SUGA—Dalan ni Bonifacio, isap 19

1905

4/2/05



THE NEW YORK
PUBLIC LIBRARY

30229B

ASTOR, LENOX AND
TILDEN FOUNDATIONS
R 1899 L

MGA MAGDUDULA

Aurora, (18 ka tuig).	Dg. Cirica Kijano.
Dorotea, y (40 id.)	" Tiburcia Kijano.
Sor Marta, Superiora (50 id.)	" Natalia Bondok.
Carolina, monja (20 id.)	" Saturnina Kijano.
Conde Roberto. (20 id.)	G. Filomeno Roble.
Duque Jorge. (50 id.)	" Manuel Angeles.
Federico, (20 id.)	" Alf. Ramos.
Ernesto, magdadagat (25 id.)	" Marciano Ufana.
P. Numa. Capellan (50 id.)	" Sabas Veloso.
Maghuhukom. (50 id.)	" Baldomero Baldo.
Fiscal, (40 id.)	" Alfonso Ramos.
Escribano. (30 id.)	" Eugenio Ballo.
Lucifer	" Sebastin Lingaton.
Alcaide. (30 id.)	" id. id.
Bruno. (40 id.)	" Jose Monte.
Usa ka manlalaban. (30 id.)	" Potencino Aliño.
Claudio, binatonan (25 id.)	" Angel Sotto.
Samuel. (25 id.)	" Pedro Angeles.
Sereno I. (25 id.)	" Juan Flores.
Sereno II, (25 id.)	" Vicente Yllescas.
Usa ka Manolonda. (8 id.)	" Isidra Flores.

Mga sondalo, magdadagat ug colegiala.
Adto mahitabo sa Florencia, siglo XVIII.

Esta obra es propiedad de su autor, y nadie podra, sin su permiso, reimprimirla ni representarla.

El autor se reserva el derecho de traduccion

Los corresponsales de ANG SUGA son los exclusivamente encargados de conceder ó negar el permiso de representacion y del cobro de los derechos de propiedad (P. 50 oo por cada representacion)


CHI BK 19NOV36






PAHAMATNGON

Ang usa ka pagpagula ning dulaa
pagabayran P. 50'00 kang G. Vi-
cente Sotto kun sa iyang
mga manununod.







BAHIN I

DAPLIN SA DAGAT—SA TOG ANAA ANG USA KA
KARAANG "CASTILLO".—ADLAW

GULÁ I

Modunggo sa lapiahan ang usa ka "bote" nga si-
nakyán sa duha ka magdadagat ug ni
Ernesto: kini mokawas.

Ernesto...Hulát kamó dinhi.

Magdadagát 1.0...¿Magadugay ka ba?

Ernesto...Dili. Ipadalá ko lamang kining sulát.

Magdadagát 1.0...¿Unsa bang orasa ang atong iguican?

Ernesto...Unya inigsubáng sa bulan. Ayaw kamó pag-
lihok dihá ¿há? (Molacaw padulong sa Cas-
tillo. Magalantawlantaw. Mosotsot) Doro-
tea... Dorotea... Dorotea. (Mokamáy. Mag-
soroy soroy).

— 8 —

GULA II

Si Dorotea guican sa "castillo" Nagadali.

Dorotea---; Unsa na Ernesto?

Ernesto---Mogukan na ako karong gabii. Dili na man ako makapanamilit kang Aurora. (Mokoot sa bulsa) ihatag kining sulat. (ihatag ang sulat).

Dorotea---Dili kinahanglan, Ernesto. Magkakita karón kamó si Aurora. Ang Duque anaa sa taas ug manglakaw karón ubán ang Conde.

Ernesto---; Asa man silá?

Dorotea---Magsuroysuroy. Batasan man gayud kaná sa Conde nga kong mahaanhi ang Duque sa hapon managkuyog sa pagsuroy.

Ernesto---; Ug si Aurora?

Dorotea---Mahibilin. Maó kini nga hulaton mo lamang una nga mianaog silá. Tumago ka usa bisan asa dihá ug pairóg irogá kaná ngadtong imiong sakayán. Pahibaloon ko nga daan si Aurora.

Ernesto---Apan... ayaw usa Dorotea. (Modo-ol sa sakayán). Irog-iróg kamó ngadto. Didto kamó maghulát niadtong daplina. (Ang sakayán molakaw). Pamati, Dorotea, tug-ani ako sa walay lipodlipod. ;Matuód ba nga ang anak

sa Duque, si Federico, nagaolitaw kang Aurora?

Dorotea---Matnood. Apan... si Aurora dili buut kaniya. Ayaw katahap Ernesto; ang kasingkasing ni Aurora imo. Ari na akó kay tingali manganaog na (Mahakugáng). Daw manganaog na. Lakat na ngadto. (Itukmod si Ernesto). Bantaye lamang nga manglakaw na silá. (Si Dorotea modalí pagsulod sa Castillo ug si Ernesto molakaw sa walá).

GULA III

Duque ug Conde.—Guican sa "Castillo".

Conde---Pagkatabun sa kapon, Jorge!

Duque---Malinaw ug mahayahay. (Padulong silá sa dagat). Tan-awa ang dagat waláy balod; malinaw ug mahayahay ang hinoyohoy sa hangin.

Conde---Pagkaanindot karón nga ipanakáy. Kong batanon pa lamang akó... Karón kay tigulang na akó.. Ay Jorge! walá na akó maghuhuna sa mga kalipayan sa kalibutan. (Magsuroysuroy silá). Kutob mamatáy kadtong pinalangga kong asawa, ang bugtong ko na lamang anak ang akong guinapalandong sa oras nga tanán. Kong halayó ra kadto, mapiyong ang akong mga matá. Magaunsa kaha

lutaon si Aurora nga usara ning malimbu-
ngon nga kalibutan?

Duque---Akó, Roberto, maó usab. Karón kay tigulang
na akó, si Federico ra nga anak ko ang
nakaguo! ning kasingkasing.

Conde---¡Ah! Maayo na lamang gani ang imong anak
kay lake man. Ang lalake bisan asa, lalake
guihapon; apan ang ako lutaon kay ba-
baye, magausa man kahi kong hibiyaan
ko nga dalaga guhapon?..

Duque---Roberto, masayón kaayo nga luason ang pag-
kabutáng sa atong duhá ka anak. Si Fede-
rico nabuang sa imong anak. Makadaghan
na magpahayag kanako nga buut siya ma-
ngasawa kang Aurora; apan walá akó ma-
kasabút ngano nga si Aurora dili buut
kaniya.

Conde---Sa akong bahin Jorge, waláy kabilingan. Ang
atong duhá ka anak sama sa pagkahamili.
Ikaw Duque akó Conde. Apan, ¡Unsa may
mahimo ko, kong si Aurora, ingon sa pu-
long mo, dili buut kang Federico? ¡Mapu-
gós ko ba ang kasingkasing? ¡Malinao ba
kahi unya akó sa akong lubnganan kong
tungúd kanako, siya magaalant ning kalibu-
tan? ¡Oh!.. (Magalingolingo).

Duque---May katarangan ka. (Moyangoyango). Pasag-

dan ta lamang nga si Federico magparayon sa iyang mga lakang, ug ikaw, kay wala ka man kaha ing masaway sa akong anak, maayo unta kong tabangan mo siya sa pagtambagtambag. Kaná kay batan-on pa kaayo, sama sa palua sa lubí: masayóng lubayon.

Conde---Higabhiin na unya kita, Jorge---Parayon kita sa atong pagsuroy; (Manglakaw padulong sa wala). Sa dalan ta na kaná sultihi.

Duque---Tula na, minahal nga abyan.

GULA IV

Mogula sa Castillo si Aurora ug Dorotea.

Aurora---Atua na si Papá. ¿Hain man si Ernesto? (Magalingilingi).

Dorotea---Dinhi man kadto... (Magalingilingi). Ania na karóng taodtaód.

Aurora--- (Mahikagáng. Itudlo ang usá ka tawo nga nagakadool). ¿Kinsa kanáng nagapaingón nganhi? ¿Si Ernesto?

Dorotea---Ang anak sa Duque.

Aurora---¿Si Federico?

Dorotea---Maó si Federico.

Aurora---¿Jesús! tintalon na usáb akó niana. (Manuyó).

Dorotea--- (Mamundak). Malangan na lamang hinoan. Higabhiin na lamang karón si Ernesto..

Aurora---Dili ka man kahá makatoo, Dorotea hitan-
awán ko gani si Federico, ingón sa makakita
ako sa panuláy. Ambut ngano nga lud on
akó nianang tawhana.

Dorotea---;Hilom! Adia na. (Managligdong sa ilang naong).

GULA V

Sila guihapon—Moabut si Federico.

Federico---;Oh.. Matahúm nga bulak. Bulahan ang mga
matá nga makatan-aw kanimo (Moyangó. Si
Aurora dili magtagad: magsuroysuroy).

Dorotea---;Kinsay guipangita mo?

Federico---(Mahitingala kay walá siya tagda ni Aurora)
Mianhi akó sa... pag-apas kang Papá ko.

Dorotea---Milakaw ubán ang Conde.

Federico---;Hain man silá padulong?

Dorotea---Ambut lamang. Dinhi ning dalana silá agui.
Hiabtan mo kong imong apason, kay karón
pang taodtaód manglakaw.

Federico---Apan... ingano ugód nga si Aurora, walá man
lamang magtagad sa katahurang guibatag ko
kaniya? (Si Dorotea molingi kang Aurora
nga magsuroysuroy- ug magahangad sa Cas-
tillo).

Dorotea---Daután kahá ang buot.

Federico---(Balagán si Dorotea ug modool kang Aurora).

Maanyag nga Aurora, adlaw ning mga mata, kalag sa akong kinabuhi.. ;nasukó ka ba kanako? ;Unsa bay guibuhat ko kanimo?

Aurora---Walá man.

Federico---;Ngano man nga dili ca na man gani motubág sa akong mga katahuran?

Aurora---Pasayloa, kay walá akó makadungóg, ug nalingaw kaayo akó sa pagsud-ong sa mga langgam nga nagasakdopsakdop sa among atóp.

Federico---Apan... Aurora, pahamusan co kining ato karon nga pagkitá. ;Unsay hinungdan nga guinatamay mo ang akong gugma? ;Tungúd ba sa akong pagkaubús kanimo?

Aurora---Dili, Federico. Usá ka pagbiaybiay kanang mga pulong mo. Kong ang kahimtang ang tanawon, labaw ka kaayo kanako. Anák ka sa usá ka Duque, ug akó sa usá lamang ka Conde.

Federico---Nan... ;Unsa man diay ang hinawayán mo kanako?

Aurora---Ambut lang sa akong kasingkasing. Siya ang tag-iya ug magbubunt sa akong lawas. Ang kasingkasing ko walá mahigugma kanimo.

Federico---;Ngano? ;Nagaduhaduha ang imong kasingkasing sa akong matuod nga gugma?

Aurora---Tingali kahá. (Mahakatawá).

Federico---(Manghupaw). ;Ah babayeng tampalasan!

Kong mapikas ko pa lamang ang akong dughan ug ikapakita ko kanimo ang akong kasingkasing, walay duhaduha nga motoo ka. Ingna akó kong unsay buut mo nga akong buhaton, aron ka dili matahap sa matuod ug putling gugma nga ginahalad ko kanimo, aron dihaduha....

Aurora---Nagahago ka lamang. ¡Ha, ha, ha!

Federico---Ayao pagentaó i ang acong kasakit. Daghati na kaayo ang mga kamatuor ni nga gipakita ko kanimo. Dili ka na makaduhaduha sa gugma nga gisaad ko; gugma nga putli ug matuod, gugma nga dili hitupugan; gugma nga nagadilaab....

Aurora---Nagahago ca lamang, Federico, sa walay kapuslanan. Salamat sa imong gugma. Ang kasingsing ko.... ¡Buut ka nga akong itug-an?

Federico---Itug-an sa walay lipodlipod, aron ko hibaloan na kong unsa ang akong buhaton. Itug-an.

Aurora---Ang kasingsing ko may tag-íya na.

Federico---¡Ah! Dili akó motoo. Usá mo lamang kana ka balibad. Tug ani akó sa walay lipodlipod, ¡nganong dili ka buut kanako?

Aurora---Gitug-an ko na ang matuod; kong dili ka motoo, ¡magaunsa man akó? Ug bisan pa sa pananglit walay tag-íya ang akong kasingsing, ¡buut ka kaha nga mangasawa sa usa ka

babaye nga walá bumatí, bisan diyutay nga gugma kanimo? ;dili kaha nnya m-alant? ;Bunt ka kaha nnya nga ang imong asawa, ang imong kauban hangtud sa kamatayon, magloib ug magmakalit kanimo?

Federico... ;Dili!

Aurora---Nau, kong dili ka bunt, ayaw na paghago sa paghigugma kanako, kay*ingón sa pulong ko na, akó walá mahagugma kanimo. Kong buut ka nga magkaabyan guihapon kita, ayaw na akó pagbisgoti sa imong gugma. Kong parayonan mo ang imong mga lakang, ang karón imong abyan, mahimo mong ka-away: ;Kaligotgotan ko ikaw!..

Federico---Igo na. (Molingiw). Ang imong mga pulong milahús sa akong kasingkasing, ingón sa usá ka hinagnibán nga matulinis ng mahait. Igo na, igo na. (Magakurug ng moatubang). Karón kay guitug-an mo ang mga hinungdan sa dili mo pagdawat sa akong waláy palad nga gugma, magahilák nalam ng akó sa akong dantáng palad; apan ayaw palandunga nga papason ko ikaw sa akong panumduman: ang imong ngalan nahapitik sa akong kasingkasing. Hinumduman ko guihapon ang babayeng tampalasan. (Mokaw ng mobalik). ;Bisan imong kaligotgotan, ikaw gihapon ang

higugmaon sa akong samarang kasingka
sing!... Adto na ako! (Molakaw, mamingaw
ug nagadukó).

Aurora---Pag-ayo-ayo!

GULÁ VI

Aurora ug Dorotea.

Aurora---Unsay ako! Ako dili makabudhi sa akong ka-
singkasing, ug dili ako makaako sa paglim-
bong sa akong isig ca tawo.

Dorotea---(Moduol pagdali). Unsa, unsay pulong?

Aurora---Adá! ang mga pulong nga tinon-an ug sinag-
ulo sa mga lalake. Guitug-anan ko na gayúd
siya sa matued.

Dorotea---Manglagus diay siya sa babae nga walá maha-
gugma kaniya?

Aurora---Ambut ba. Tan-awon ta kang mobalik pa ba gi-
hapon paghispot nianang iyang gugmang dunót.

Dorotea---Nalooy intawon ako kang Federico, da.

Aurora---Na, nalooy ca man cahá, icao ang higugma caniya...

Dorotea---Aaw!... Bunt diay kanako... Ugaling kitang
mga babaye ngód, kong hamtung ug laus na,
kitá na man ang mangolitawo sa lalake. Pag-
kalisód sa bulak uga malaya! Dili panibaan
sa mga alibangbang! (Magayangoyango ug
hiyogposon ang iyang mga kamót).

GULA VII

Sila gihapon: Moabut si Ernesto nagadalagan!

Ernesto---(Atubangon si Aurora). ;Kinsa kadtong imong guisulti?

Dorotea---Adia na si Ernesto. ;Diin ka ugód magtago?

Ernesto---Dinhá ra man. Apan... ;Kinsa kadtong imong guisulti?

Aurora (---Si Federico.

Dorotea(---Ang anak sa Duque.

Dorotea---;Ngano? ;Mangabubho ka na?

Ernesto---Saba gani dihá Dorotea. ;Unsay inyong guisultihan?

Aurora (---Kana ugód...

Dorotea(---Kana ugód, dugay na nga nag-olitawo kaniya...

Ernesto---Saba gani, Dorotea. ;Ikaw ba ang akong guipangotana?

Aurora---Matnod, Ernesto. Kana dugay na nga nag-olitawo kanako, ug bisan guinsa ko sa pag-pamalibad, nagalangás guihapon.

Dorotea---Apan karon misangó siya.

Ernesto---;Saba na gani, Dorotea. Pasagdi kaming duhá nga magsulti. Ang angay mo buhaton (bitaron si Dorótea) palayó ka kanamo: batayan mo kong pauli na ang Conde kay kong hisakpan kita dinhi...

Dorotea...; Asa man akó?

Ernesto...Didto nianang likoanan pagburág. Makita mo na gani ang Conde...

Dorotea...; Unsa may buhaton ta?

Ernesto...; Mangotana ka pa gayúd? Pahibaloón mo kami. Sumotsot ka. Ambi sulaye pagsutsot arón hitiman-an ko. (Si Dorotea mosutsot, apau hungw).

Ernesto...; Unsa ugod kanáng sutsot mo nga dili man, madungóg?

Dorotea...Walá man ugód ing ngipon...

Ernesto...; Na, pakpak lamang hinoon.

Dorotea...; Pakpak, íhá? Ingón niana. (Si Dorotea momopakpak makaduhá ug molakaw).

GULÁ VIII.

Ernesto ug Aurora.

Ernesto... (Si Ernesto nagapadulong kang Aurora). Hinignigma ko, tug-ani acó kong unsay inyong guisultihan ni Federico.

Aurora...; Maó lag-i kadtó: gipahayagan na usab akó sa íyang gugma, ug guitug-anan ko siya sa matuod.

Ernesto...; Nga unsa?

Aurora...; Nga ang kasingkasing ko may tag-iya.

Ernesto...; Kinsa man?

Aurora...? Kinsa man kong dili ikaw?

Ernesto...; Guitug-an mo ang akong ngalan?

Aurora...; Walá. Buang ba akó...

Ernesto...; Natahap akó sa imong mga pulong. (Molli-
ngiw nagahinoktoe).

Aurora...; May hisapan ka na ba nga bakak ko, ning
duhá ka tuig nga atong panaghigugmaay?
; Nagaduhaduha ka ba diay, Ernesto, sa
akong paghigugma kanimo? (Mudool ug aeba-
yan si Ernesto). ; Walá ka ba diay sumali
kanako?

Ernesto... (Manghupaw) ; Pastilan Aurora!

Aurora...; Nasukó ka ba kanako, hinigugma Ernesto!

Ernesto...; Walá.

Aurora...; Ngano nga nagsubú ka man?

Ernesto...; Ambut kong unsa ang nahasulod karón sa
akong ulo; nalibog kaayo. Daw pagahitan-
awan ko nga ikaw mobulág na kanako.

Aurora...; Ernesto, kanáng imong mga pulong makapa-
ubús sa akong buót. Guitanding mo lamang
diay akó nianang ubáng mga babaye nga na-
gailis sa ilang hinigugma ingón sa pag-ilis
sa sinina.

Ernesto...; Dili kana maó, Aurora. Ang akong guitan-
ding maó ang kahintang ko ng ang imo.
Ang makalooloy nga magdadagat, ug ikaw

anak sa usa ka Conde. Ako mamomooang
walay pulad ug si Federico anak sa usa ka
Duque... ;Unsay mapiabut ko? ;Unsay ma-
piabut sa usa ka ilaga nga makig-away sa
usa ka iring? ;Ang kamatayon!... (Mokiyog-
pos ug maminghoy).

Aurora---Tungul niana, Ernesto, ayaw katahi. Daghan
na kaayo ang mga kamatuoran nga gniha-
tag ko kanimo. Ang magduhaduha sa akong
paghigugma, isip sa nagduhaduha sa signa sa
adlaw. ;Oh Ernesto! Ikaw wala miasayod
kong giunsa ka pagmahal sa akong kasing-
kasing...

Ernesto---Oo, matatol, apan ang akong nobis nga ka-
himtang...

Aurora---Ayaw kana paghinahinana, Ernesto. Ako wala
magtagad sa kahintang sa tawo; ang kasing-
kasing maoy akong ginataan-aw.

Ernesto---Apan ang imong amahan...

Aurora---Mapatay ako niya; apan dili niya malubag ang
akong kasingkasing.

Ernesto---;Oh matam-is kong kaayohan! (Gakson si Au-
rora). Kong tumana mo ang imong mga
saad, walay tawo nga makatambas kanako
sa pagkamalipayon ning kalibutan...

Aurora---Tu nanon ko. Dili ko buut sa kinabuhi kong
wala ikaw. (Mabati ang duha ka pakpak. Si

Ernesto ug si Aurora manghikugang).

Ernesto---;Unsa kadto? (Mabati pag-usab ang duha ka pakpak).

Aurora---;Pakpak? ;Si Papa na kahá?

Ernesto---Talana. ;Asa man kita? (Magkabuang sila).

Aurora---Tagoon ko ikaw sa Castillo.

GULÁ IX

Si Dorotea nagadalagan.

Dorotea---Tago kamó kay nagapaingón nganhi si Federico. Dali, dali, dali. (Si Aurora ug si Ernesto matagan pagsulod sa Castillo).

GULÁ X

Si Dorotea nga usara.

Dorotea---Jesus, Jesus, Jesus. (Mangurós). ;Wala ba kahá hikit-i? ;Unsa na kahá usab ang guibalik ning anak sa Duqne? (Magsuroysuroy, Maglantawhantaw sa dagat) nâgadalla. May dalang-baraw. (Jesus. Modagan padulong sa Castillo.

GULÁ XI

Si Federico nagadalagan gucdon ug hiapsan si Dorotea. Gunitan sa camot.

Federico---;Hulát! Ayaw pagdalagan.

Dorotea---;Intawon! ;Patyon mo ako!

Federico---Dili. ;Hain si Aurora?

Dorotea---;Ngano?

Federico---;Hain?

Dorotea---;Patyon mo?

Federico---Dili. Itug-an hain.

Dorotea---;Apan ngano nga nagdala ka nianang puñal?

Federico---Baut ko unta nga tan-awon niya ang akong kamatayog.

Dorotea---;Wala ka na mawili sa kalibutan?

Federico---Ayaw na ako pagsukta. ;Hain si Aurora?

Dorotea---Atin sa taas. (Buklan ni Federico si Dorotea).

Federico---Pakamaga.

Dorotea---Pahibaloon ko. (Si Dorotea molakaw).

GULA XII

Mogula si Aurora uban si Dorotea.
Si Federico nga usara.

Federico---;Pagcaalaut ko ning kalibutan! Ang babaye nga guihalaran ning kasigkasing guinatamay ako ;Unsay pulos sa kinabahi kong ang kasigkasing masulub-on? ;Bathala ko! ikaw ra an nasayod sa kasakit nga guinabati ko ning mga oras! Dili ko maantus ang pagtan-aw nga si Aurora mahaadto sa lain nga mga bukton, Magpakamatay ako sa iyang

atubangan aron ki-lug mga mata dili mag-
tanibong sa kabulahanan sa lake nga m-ka-
tag-ya sa iyang kasingkasing... Nalibog ki-lug
ulo. ¡Oh! ¡Dili! Una ako magpamatáy, pa-
tiyon ko siya. Mag-inonongáy kami, aron
waláy makatag-ya kaniya. ¡Federico, Feder-
rico! Lig-on ang imong cabubut-on. Pus-
lan man nga mamatáy ka, patyá usab ang
guinikanan sa imong pagkaalaut...

GULÁ XIII

Mogula si Aurora uban si Dorotea.

Aurora---¡Ako ang guipangita mo?

Federico---¡Ikaw!

Aurora---¡Unsay tuyo mo?

Federico---Magpakamatáy ako sa imong atubangan.

Aurora---¡Nabuang ka, Federico?

Federico---Nabuang tungúd kanimo.

Aurora---Anugon sa imong kinabuhí.

Federico---¡Nahanugon ka diáy? Cong nakantigon ka,
ingano nga ginhutamay mo ako!

Aurora---Kong tungúd niana, ayaw pagmahay. Daghan
ang mga babaye ss kalibutan nga kapilian
mo ug makalipay kanimo.

Federico---Matuod, apin tungúd sa akong danta nga
landong waláy usab nga mibunt kanako.

Aurora--- ¡Ha, ha, ha! Anha mo mailá ang imong pagka-
ayong tawo...

Federico--- ¡Aurora! Ayaw na pagkatao-i ang akong ka-
sakit. Dili ka man kahá mosugót sa minaa-
ayo, sa dinantán. Pagpili kun bunt ka kana-
ko kun mangamatay kitáng duhá karón dayon.

Aurora--- Maó diay kaná ang guianhi mo kanako?

Dorotea--- ¡Guisaput ka? ¡Naliso ang imong ulo?

Federico--- Magpili ka sa kinabuhi kun sa kamatayon?

Aurora--- (Mosingguit). (Bisan imo akong patyon, dili ako
mosugót sa usá ka buang ingón kanimo).

Federico--- Magkuyog kita sa lubuganan! (Gukdon ni Fe-
derico si Aurora nagahuyád sa baraw. Si
Dorotea buut mosagáng).

Aurora --- ¡Ernesto! ¡Patyon ako!

Dorotea--- ¡Ernesto! ¡Tabang! ¡Tabang!

GULA ' XIV

Si Ernesto mogula, nagadalagan, guikan sa sulod sa
Castillo, nagahana sa iyang hinaguiban. Gukdon si
Federico, gakson: managlayog, maagaw ni Er-
nesto ang hinaguiban: si Federico mo-
dam-ag ug mapukan ug tampokon ni
Ernesto sa licod.

Ernesto--- ¡Banyaga! (Si Federico mahapakulob. Patáy).
¡Patáy na!

Aurora--- (Si Aurora ug si Dorotea manghikugáng). ¡Gui-
unsa mo!

Dorotea---¡Namatáy?

Ernesto---¡Patáy!

Aurora --- (¡Ngano nga guipatáy mo?

Dorotea--- (¡Jesus! ¡Jesus! (Mangurús).

Ernesto---Guipatáy ko tungúd sa paglaban sa imong kinabuhi.

Aurora---Ernesto, walá akóy igabalus kanimo. (Gakson si Ernesto). Guiluwas mo akó sa kamatayon.

Dorotea---Nan ¡Magaunsa man kitá karón?

Ernesto---Mangaguiw. Ubán kamó kanako sa akong sakayán.

Aurora---¡Asa man kitá padulong?

Ernesto---Manglikay. Palayó kitá dihi kay alant kanato kong hibaloán nga akó ang nagpatáy sa anak sa Duque.

Dorotea---Waláy duhaduha. Bitayon ka gayúd.

Ernesto---Tala na, Aurora. Ang tuyo ko kanimo sa pag-añhi karón maó ang pagpanamilit kanimo kay moguikan untá akó karóng gabii padulong sa Amihanán: apan karón kay nahatabó kiníng dakúng kadaut, kinahanglan nga mangaguiw kitáng toló.

Aurora---Si Papá intawon... Talikdan ko lang sa waláy popanamilit?

Dorotea---Biyaan ta lamang.

Ernesto---Aurora, palandunga nga tungúd kanimo guipatáy ko kanáng banyaga.

Antora---Si Papa intawon (Mihilak).

Ernesto---Kong matnod nga nahagugma ka kanako, kong inhatugon ka sa akong kinabuhi, uban kanako lunikáy na kita dinhi sa labing madali. Ayaw kilisang sa akong giubuhati bi. sin akó nakabunó, walá mabuling kining mga kamót, waláy buling kining agtang, malinaw ang akong himahuna kay nakapatáy akó, tungúl sa paglawas sa usá ka kinabuhi. Ayaw na pagkukahadlok. (Bitaron si Antora). Tala na. (Padulong silang toló sa lapinán sa dagat. Si Ernesto mosutsot ng mocamáy [Lorenzo] [Lorenzoooo] [Iduol diri ang sakayan].

Dorotea---Kining minatáy biyaan ta ba lamang? (Alirogan nila ang minatáy).

Ernesto---Tuod no. (Maghiwalatok). Isalib'y ta kahi hi-ro-on sa laúd.

Dorotea---Maayo, maayo, aron waláy mahibaló kong unsay guidangat sa anak sa Duque.

Ernesto---Lagui no.

GULA XV

Modunggo ang sakayan, sinakyan ni Lorenzo, ug usá ka magdadagat.

Ernesto---(Modool sa sakayan) kawas kamó. (Mangawas

ang magdadagat). Marika kamó. (Manuhod
cang Ernesto ngadto sa minatáy). Saknata
ninyo kining minatáy ug isalibáy sa halayó.

Lorenzo---Molutaw unya?

Ernesto---Tuod no...

Lorenzo---Tuntonan sa sinipit.

Ernesto---Kuhaa ang sinipit. (Kuhaon sa magdadagat
ang sinipit). Hikti sa hawak. Hugta nga dili
mabadbad. (Hiktan) Na, karón, yayungi ninyo,
iluan sa sakayán. (Iluan ang minatáy sa sa-
kayan) Aurora, Dorotea, tala na.

Lorenzo---Malunod unya ang sakayán. Amo una nga isa-
libáy kining minatáy.

Dorotea---Igo magkuha pa kami si Aurora sa among
igsusul-ob.

Aurora---Tuod, Ernesto: mosaká kami, madali ra kaayo.

Ernesto---Dali kamó; ¿ha? Tingali bayá hisabtan kamó
sa mga binatonán. (Si Dorotea ug si Auro-
ra manulod sa Castillo). Kamó (atubangon
ang mga magdadagát) dalidali kamó sa pag-
salibáy niana. Ingón sa walá kamóy nakita
ug nabati: mga amáng kitáng tañán: kay-
kong hisayran alaut kanato... (Ang sakayán
molakaw si Ernesto magahinoktok, nagsu-
roysuroy sa lapihán sa dagat). Pagkadagay
nila (mamundak). Hapon na kaayo. Apason
ko. (Mosulod pagdali sa Castillo).

GULA XVI

Mogula sa Castillo si Bruno, nagadali.

Bruno---Asa kahá mangadto si Aurora ug si Dorotea nga namutós man? Guipangotana ko walá tumog-an, kadtong magsasakay nga misaká walá makakitá kanako. ¿Kinsa kahá kadto? ¿Maó ba kahá ang tag-iyá sa sakayán nga ilang kaguiwan? Tan-awon ta. (Moduol sa dagat). Dinhi waláy sakayán. Apan, ¿asa kahá mangadto? Nalibog kiníng ulo. Ang maayo niini, akó ra bay "mayordomo" sa Castillo sa Conde, ang binatonán nga sinaligan, apason ko siya. Pahibalodn ko nga daw mangaguiw ang iyang anak ug si Dorotea, arón akó dili kabalulan kong unsa ugaling ang mahitabó. (Modagan padulong sa walá).

GULA XVII

Si Aurora, Dorotea ug Ernesto nga guikan sa Castillo, nanagdala sa ilang mga putos.

Aurora---Hain na ang sakayán?

Dorotea---Hain na?

Ernesto---Atna nagsalibáy pa sa minatáy.

Aurora---Pagkadugay. (Magsuroysuroy ug managlantaw.

lantaw).

Dorotea---Si Bruno nangotana uróy kanako kong asa
kitá.

Aurora---;Si Bruno?

Ernesto---;Kinsang Bruno?

Dorotea---Ang mayordomo.

Aurora---Nan ;guitig-anan mo?

Dorotea---;Buang ba akó? (Si Ernesto magalantaw sa
dagat).

Aurora---;Hain man karón si Bruno?

Dorotea---Dihá man kadto sa taas.

Aurora---Tingali bayá hibaloán kitá.

Dorotea---Asa ugód. Hibaloán man gani hinoon, ngano
ba nga dili; apan unya ra kong atua na
kitá sa halayó.

Aurora---;Hain na ugód ang sakayán?

Dorotea---Maó na kahá kaná nga nagapaingón nganhi?

Ernesto---;Ngano kahá nga nadugay?

Aurora---Lagui, ;ngano kahá?

Ernesto---(Mokamáy). ;Dalidali kamó?

Dorotea---Hiabtan na lamiang kitá sa kagabbion.

Aurora---Padali-a na gani Ernesto.

Ernesto---(Mosingguit). Dali na kamó Lorenzo.

Aurora---Mahinay man kaayo kanáng sakayana.

Dorotea---Tingali hiapsan kitá.

Ernesto---Matulin man kaná. Ambut ngano nga guipa-
binay. ;Naunsa kahá? (Ang sakayán naga-

kadool),
Ernesto---;Ngano ba nga nadugay kamó!

GULA XVIII

Modunggo ang sakayán.

Lorenzo---Diriyot kami malunod.

Ernesto---;Ngano?

Aurora --- { ;Unsa, unsa?

Dorotea--- { ;Unsa, unsa?

Lorenzo---Diriyot kami malunod. Nabuslot ang sakayán,

Ernesto---;Diiu, diiu? (Mosakáy).

Aurora---(Moatubang kang Dorotea) Maó kini karón
ang nakakulang.

Dorotea---;Kannay! ;Unsaon ta na man karón. (Si Er-
nesto nagahiling sa buslót).

Ernesto---Waláy sapayán.

Aurora---Malangan na kita.

Dorotea---Muhiuli gani kadto karón si Papá mo ug hi-
sakpan kita...

Ernesto---Saba, saba lang, tal-opan ta pagdali. (Moka-
was). Dorotea, pangita didto... (Magkabuang)
pangita diyotay nga nuog, kun... bisan unsa
nga ikatal-op ta. (Si Dorotea mosulód sa
Castillo).

Aurora---Dalidali, Dorotea.

GULÁ XIX

Ernesto; Aurora ug mga magdadagat!

Ernesto---Pagkadakung kadaut!

Aurora---Ambut kong unsay atong dadangaton.

Ernesto---Lorenzo, kausi sa tubig: Madali. (Kausan sa mga magdadagat).

Aurora---Kong simbako hisakpan kita, karón ni Papa, magausa man kita?

Ernesto---Kanimó waláy sapayan. Ako intawon ang ma-kalolooy. Bitayon gayúd ako sa mga punoan.

GULÁ XX

Sila guihapon: Mogulá si Dorotea.

Dorotea---Paigo kahá kini? (Ipakita ang nuog nga iyang dalá).

Ernesto---Dorotea (bitaron ug si Aurora sa daplin).
;Ipanumpa mo kahá nga dili mo itabi, bi-san kang kinsa; ang atong guibuhát kang Federico?

Dorotea---Ipanumpa ko sa ngalan ni Bathala.

Ernesto---;Bisan ka patyon?

Dorotea---Bisan patyon.

Aurora---;Hain ba nimo ipasalibay ang minatáy?

Ernesto---(Moduol sa sakayan). Hulát usa pangotan-on

ko pa ;Hain ba ninyo inulog ang minatay?

Lorenzo---Sa taliwala gayud sa latid.

Ernesto---;Dili kaha kadto molutaw?

Lorenzo---Dili gayud. Labi na kay dinhi ning dagata daghan nga mga isdang dagko, guitukob na kadto karon. (Si Ernesto mobalik sa gutinogan ni Aurora ug Dorotea).

Ernesto---Atua konó mila isalibáy sa latid.

Lorenzo---;Ang nuog nga atong ital-op sa buslot?

Dorotea---Adia ra.

Ernesto---Tuod. Hari. (Kuhaon ni Ernesto ug itunol kang Lorenzo). Ayoha pagtal-op. (Madungóg ang pakánpakang). Ayuha gayud, tingali motubód.

Dorotea---(Mahikugáng). ;Kinsa kanáng mga tawo nga nagapaingón nganhi? (Itudlo ang mga tawo nga nagakaduol).

Aurora---;Kinsa? (Maglantawlantaw silá).

Ernesto---(Mahiugpot). ;Kinsa? ;Kinsa kanáng mga tawo?

Dorotea---Ang Conde ug ang mga sundalo.

Aurora---;Tapus na kitá! (Magkabuang silá).

Ernesto---Tala na. tala na. Dalí kamó pagsakáy. Dalí dalí. (Bitaron si Aurora ug si Dorotea, dad-on sa sakayan; apan maó usáb ang iabút sa mga sundalo ug sa Conde).

Mga sundalo---(Sa sulod pa). ;Asa kamó! ;Asa kamó!

¡Asa kamó!

GULA XXI

Moabut ang Conde, Duque, Bruno ug mga sundalo. Si Ernesto, Aurora ug Dorotea hisakpan:

Conde---¡Asa kamó? Aurora, ¡Asa ka unta padulong anak ko? (Si Aurora kawad-an sa buot sa mga lukton ni Dorotea).

Bruno---Dá, agalon ko, maayo ra gayúd nga guipás ug guipahibaló ko ikaw. Daan pa gayúd ako nga mokaguiw ang imong anak. Kiníng magdadagat maó diay ang mokawat sa imong anak.

Conde---(Moatubang kang Ernesto). ¡Kinsa ka nga na-kaako sa pagpasipala sa akong anak? (Sumbagon si Ernesto).

Ernesto---Aug gugma maóy...

Conde---(Sumbagon pag-usab). ¡Ah banyaga ng walay ulaw! ¡May baba ka pa nga itubag? Magabayad ka karón ning imong pagbuling sa akong dungóg. ¡Mga sundalo! karónkarón dad-a ninyo kanáng tawhana sa Juez.

Duque---Ubanán ko.

Conde---Ikaw na lamang, Duque, ang mahibaló nga mag-asoy sa nahitabó. (Ang Duque, si Ernesto ug mga sundalo manglakat na untá; apan mahaurong inigtingog ni Bruno).

Bruno---;Kining mga kauban? (Itudlo ang duhá ka magdadagat nga kauban ni Ernesto).

Conde---Dad-on usab. (Dakpon ang duhá ka magdadagat

Duque---Tala na. Madali. (Manglakaw).

GULA XXII

Ang Conde, si Aurora, Dorotea ug Bruno. Si Bruno magasuroysuroy.

Conde---(Moduol kang Aurora). Ah anak ko nga makaliton! Maó diay kini ang ibalus mo sa akong pagpalangga kanimo? Kasakit ug kaulaw diay ang ipabalon mo sa imong tigulang amahan sa iyang lubnganan? Mamatáy ka, una mo bulingán ang akong mga tiban!...

Aurora---;Amahan ko! Pasayloa akó!

Conde---(Moduol kang Aurora ug mamangót). Pasaylo mangayo ka? Dili, dili, dili ko ikaw pasayloon. Ang dungóg ko imong guilubóng sa yanáng ug karón hinoon nga tigulang na akó walá na akóy nawong nga ikapakita sa mga tawo? Ug ikaw, Dorotea, inganong mitabang ka kang Aurora sa iyang pagabuhaton? Ikaw ang akong gusiligan sa akong panimaláy, kutub sa diyutay pa si Aurora, ug ikaw ra usab ang magabudhi!


Dorotea---(Mamingaw ug magakonókonó). Mistigót la-
mang akó sa guistigo kanako:

Aurora---Amahan ko. ¡Akoy may salál...

Conde---¡Hilom! Karón karón (Itukmod si Aurora nga
molakaw padulong sa Castillo). Isulod ko
ikaw sa usá ka Monasterio. Adto ko ikaw
pakamatya. Adto didto mangadunot ang
imong mga bukóg. Dili ko buut ikaw ma-
kita ning mga mata. ¡Adto mó sa usá ka
Monasterio tapusa ang imong kinabuhí! Ug
ikaw, mabudhióng sulogoon. (Itukmod si
Dorotea nga magahilák ug molakaw sa walá,
pahawa karón dayon. Dili akó buut motati-
aw sa imong landong. ¡Lakaw! ¡Lakaw!

TABIL.

Katapusan sa unang bahin.



BAHIN II

HAWAN SA USA KA MONASTERIO. DUNAY USA KA SUG-
ANAN.—GABIL.

GULÁ I

Mosulod paghinay ang Capellan Padre Numa

Numa---(Motan-aw sa iyang orasan). Culang 15 minutos
sa ika 4 sa caadlawon. Magamisa na-usab
akó karón. Pagkakapoy ning akong katung-
danan! (Moduol sa ganghaan nga too) (Mo-
pakpak sa kamót makaduhá). ;Walá maka-
bati? (Moigham makaduhá). ;Ehem! ;Ehem.
;Walá pa gayúd? ;Sor Marta! ;Sor Marta!
Sor Marta!

Marta---(Sa sulod). Adto na akó. Hulát makariyot. (Si
Padre Numa magasuroysuroy. Mamingaw)i

GULÁ II

Numa ug Sor Marta

Marta---;Unsa na, Padre?

Numa---;Naunsa na si Carolina?

Marta---Nag-anák na. ;Walá ba nimo madawat ang su-

lat ko kagabil nga nagapahibaló kanimo nga si Carolina nagbati na?

Numa---Nadawat. Mao bitaw, kini nga misayo ako pag-anhi aron sa pagsusi kong naunsa na si Carolina. ¿Unsay anak?

Marta---Lalake.

Numa---¿Kang kinsa lumiwat?

Marta---Kang kinsa man kong dili sa amahan: kanimo.

Numa---(Malipay). Nan, nan. ¿Unsaon ta na man kana karón?

Marta---Ambut lamang kanimo.

Numa---Ilubóng ta, ingón sa atong paglubóng sa ubán.

Marta---¿Ilubóng bisan buhi? (Malisang una).

Numa---Patyon una.

Marta---¿Jesus, Jesus, Jesus! (Mangurós).

Numa---¿Hibaghoán ka pa gayúd niana nga makadaghan ta na man buhata?

Marta---Mao man gani kana; malisang ako kay makadaghan na kaayo...

Numa---¿Ug si Carolina? ¿Maayong pagkatago?

Marta---Maayo hinoon. Atua ko ibutáng sa akong higdaanan. Walay lain nga makasulod.

Numa---Walá bay lain nga nakibaló ning pag-anák ni Carolina?

Marta---Walá; Ikaw, ako ng siya ra.

Numa---Maayo. (Motan-aw sa iyang orasan). Hapit na mobagting ang ika 4. Dili na kita maglanganlangan.

Marta---;Unsa may atong buhaton?

Numa--Adtoon mo si Carolina ug sulihan mo sa atong bubuhaton. Dili ako mosulod kay tingali manag natá na ang mga "colegiala" ug hikitan ako. Managkatahap na unya...

Marta---;Kinsa man ang mokugos sa bata?

Numa--Ikaw. Kaná dili ikasalig sa lain.

Marta---;Tingali mouhá? Hibaloán lamang sa mga "colegiala"...

Numa--Dili. Hikitan mo, hugót kaayo ang liog sa tsá ka panyo, ug limisan mo sa tsá ka habol.

Marta---;Ug ikaw?

Numa--Hulatón ko ikaw dinhi.

Marta--Adto na ako. (Mosulod sa ganghaan nga iyang guinulan).

GULÁ III

P. Numa.

Numa--(Maghinoktok makariyot). ;Pagkaanngon sa bata! ;Pagkasakit ning kasingkasing ang pagkuha sa kinabuhi sa tsá ka alaut nga bata nga waláy salál... Apan... ;Unsay akong mabuhat? Ang kahimtang ko maoy nagaangot. (Magahinoktok) ;ngano nga walá ko palangda, una ako magsul-ob ning akong "colegiala," kong makatuman ba ako sa akong

katungdanan?... Oh waláy palad nga Carolinal Ang bunga sa atong gagmang tinago ang yuta lamang ang makat-g-ya... (Modukó ug magahilák).

GULÁ IV

Mogula sí Sor Marta.

Marta---Padre Numa. (Si Numa dili molingi). Padre Numa. (Si Marta mokablit sa bukton ni Numa). Padre..

Numa---;Martal...

Marta---;Naunsa ka, Padre? ;ngano nga naghilák ka?

Numa---;Ay Martal Dili ikagsaysay ang guinabati ning kasingkasing. Nagangutngot kining huwahuna nga magapalandung nga bulingán kó na usáb sa dugó nianang bata kining mga kamót... Kining mga kamót nga putli sa mga mata sa mga tawo kay nagakupót sa adlawong tanán sa lawas sa Manunubus sa kalibutan; apan mga kamót nga mamumuno... (Mamingaw siláng duhá. Magahinoktok makariyot).

Marta---;Ay San Vicente de Paúl! Tabangi kami..... (Manghupaw).

Numa---Marta, Ayaw pagsangpit sa mga Santos sa langit ning atong bubabaton. Higabaan kita

ug dangaton ta unya ang kadautan nga walá ta hunahunaa. Apan.. ¿hain na man ang bata?

Marta---Dili ihatag sa inahán.

Numa---(Maningka). ¿Ngano? ¿nabuang siya?

Marta---Ang pagsulti ko sa atong bubuhaton, guigakús ang bata ug naghilák.

Numa---¿Maigo untá siya sa lintil? ¿Unsay bunt niya nga buhaton?

Marta---Ambut lang. Natabap ra ba akó tingali mabugbat nianang iyang paghilak. Mabughat gani ug mamatáy... ¿Tapus kita! Duruhá na ang atong ilubóng.

Numa---(Mopadulong pagdali sa ganghaán sa kilid nga too). Akó ang mangunáy sa pagkuha sa bata.

Marta---(Moapas kang Numa ng hawiran sa bukton). Ayaw intawon, Padre, ayaw, Padre. Pastilán hikít-an ka unya sa mga "colegial" ug dakú nang kagubút. (Si Numa mahaurong ug mosibog). Ayaw intawon pagsulod karón, hapít na mobagting ang ika 4 ug mamangon na ang akong mga "colegiala".

Numa---Apan... Marta, Marta. ¿Unsay atong buhaton? (Si Marta dili motingog. Magahinoktok).

Numa---Dili na kitá maglanganlangan. Kong si Carolina dili bunt sa minaayo, sa dinantán. Be-
● malik ka sa imong higdaanan, waláy tingog.

tingog, agawon mo ang bata sa mga bukton sa
iyang inahán ug ibagan mo nganhi.

Marta—;Kong tu-riabaw ang inahán!

Numa—Looka, patya.

Marta—Pagkamakalilisang, pagkalisod, Padre, nianang
imong guisugo hanako.

Numa—Tuniana kay maó ang macalwas kanato. Apan,
Marta, maayo nga managana kita nga daan!

Marta—;Unsa man?

Numa—Kong hilayo ra kadto, dili itngot sa langit, hi-
sakpan kiuing atong bubuhaton. ;Unsaon ta
ang pagpanghunaw sa atong mga kamot
nga makasasala?

Marta—;Kaingnon mo nga may kalutsan pa kaha kita?
(Si Padre Numa magahinoktok).

Numa—Ah., diay nahunahuna ko. Si Aurora, ang anak
ni Conde Roberto, bag-ong nahasulod sa Co-
legio. Ikaw nahibaló na sa hinungdan sa pag-
hi-mulo ni niana dinhi sa Colegio. Guitago kana
dinhi sa Conde kay hisakpan konó sa Con-
de nga... (magseñas sa kamót) may
hipigugma nga magdadagat ug buut unto
mokaguiw. Kana kay nabulingan na ang du-
ngóg, dili k hibulangan nga pasanginan ta
u-ya nga maó ang inahán sa bata, inaka-
sabút ka?

Marta—Tuod na. Maayo kay dunay panyo si Aurora

nga hikít-an oo, may ngalan niya, maóy ihigít ko sa liog.

Numa---Apan kaná bubaton ta lamang cong abuton kita sa dácing kadaut ug hisakpan ang bata nga atong ilubóng.

Marta---Maayo, maayo. (Malipay).

Numa---Lakiw na, Marta, ayaw pagdugay. Tumana ang guisugo ko kanimo.

Marta---Apan.. ;Kong motiabaw si Carolina?

Numa---Looka lagú, patya.

Marta---;Kinsa pa ang molook, kinsa pa ang mokugos sa bata?

Numa---Ayaw kahullok. Adia akó. Kong madangóg ko gani nga motiabaw.. mosulod akó ng ma...

Marta---(Molakiw na). Pamati-a pag-ayo iha? Tingali masayóp kita. (Modali paglakaw).

GULÁ V

Si Padre Numa nga usara.

Numa---Tan-awon ta kong unsay katapusan ning tanón. Makalolooy kung Carolina kong magsuki siya sa akong bubuhaton. Ang kinabuhi niya nagabitay sa usa ka lugás nga lanot. Kiníng mahit nga baraw iunlod ko sa iyang lawas. Palabihón ko ang pagbunó kaniya, dili ang kadautan ko ug sa tibook nga "Colegio" Ha-

lang tanán sa ganghaán sa wala).

LAING DAPIT

HAWAN SA MONASTERIO. USA KA ATABAY SA DAPLIN
NGA TOO UG USA KA CANGHAAN SA TALIWALA .

GULÁ III

Mogula sa kilid nga too si Numa ug si Marta. Si
Numa nagadala sa bata. Magapanglingi.

Numa---; Ualá ba kaháy makakita kanato?

Marta--Wala. Ang langit da ug mga tanúm.

Numa--Ang langit ug mga tanúm dili makatingog.
(Moduol sa atabay) ; Ihulog ko na ba?

Marta---(Unsa pa man ang hulatón ta? Ihulog na. Hi-
naya arón dili magtimpasaw ang tubig.

Numa---Atua ku na gayúd. (Ihulog).

Marta---Dali, dali. (Bitaron ang bukton ni Numa ug
managluksolekso sa pagdalagan).

Numa---Tala na. Natapus na gayúd. (Manulod sa kilid
nga wala).

GULÁ IX

Mogula sa kilid nga too si Claudio ug si Samuel
magayayong sa lata sa tubig, dala ang tim-
ba ug sug-anan. Mopadulong sa atabay ug
ibutang ang lata sa daplin. Manglingkod
sa baba sa atabay.

Claudio--(Manghuy-ab). ; Pagkatugnaw sa kaadlawan!

Samuel---Tinuod, matugnaw kaayo.

Claudio---Manabakó una kita. (Wocnot sa iyang bulsa, mo-
kuha sa usa ka bugkos sa cigarilyo ug tunolan
si Samuel). Tabakó Samuel (Si Samuel ug si
Claudio manabako adto modagkot sa sug-
anan nga ilang dalá).

Samuel---Dili na madugay magakabulag na kita.

Claudio---;Asa ka man?

Samuel---Pa-uli sa amo.

Claudio---;Ngano?

Samuel---Dili ako moangay dinhi. Guinapatáy ta dihi
ang atong lawas. Kaadlawon nga tanan
inig ika 4 kinahanglan mobangon na kita,
magatimba sa kaligoan ug waláy pa-as ang
buhat sa tibuok nga adlaw. Lampaso, silbig,
sabilig sa mga tanum... pda! dili ko kint
maantus. Maayo na lamang kong dakú ang
"sueldo"... Dia pay paghaon nga nagakotóy
lamang kining tiyan.

Claudio---Ako bitaw, nagahulát lamang sa katapusan sa
bulan. Inigpakadawat ko sa "sueldo" mana-
milit dayon ako sa Superiora.

Samuel---Magdungan lamang kita.

Claudio---Kong mahagula ka na dinhi jasa ka man pa-
dnlong?

Samuel---Pa-uli sa akong lungsod mobalik sa pagdaro
sa ruta, jug ihaw!

Claudio--Mossod sa pagkabintotan sa Conde nga misa.
hán niyang maanyag nga "colegiala" nga
bag-ong mislod.

Samuel--;Ngano ba nga gnisulod man dinhi sa Conde
ang iyang anak?

Claudio--Ang dungóg ko ngód, sa mga "colegiala", nga
kináng bataa nahi... ligas sa usa ka magda-
dagat ug ang Conde arón sa pagtago sa iyang
aulaw, gnisulod dinhi ang iyang anak.

Samuel--;Pagkabulahan ug pagkípalaran sa makatag-ya
niana!.. Madungóg ang tingog sa mga "co-
legiala" nga nagaduyog sa misa).

Claudio--Samuel, tindog na. Nagangod na kabá ang
misa ;makabati ka? (Manindog).

Samuel--Ikaw ing una sa pagtimba. (Itanul ang timba).

Claudio--Huri (Motimba. Sa ikatoló nga timba ma-
dala ang putós). ;Unsa kina? (Mahitingala
sila.)

Samuel--Saya kiba nga nahulog.

Claudio--Dili, mabobug-at man. Kubaa ang suga. Iwa-
gan ti. (Iwagan sa sug-anan ug buksan nila
ang putós. (Hakit-an ang bata nga putáy).

Samuel - ;Unsa kana?

Claudio-- ;Bat!

Samuel-- ;Jusni ;Bitat

Claudio--Itata lagut.

Samuel--;Kina ugód ang nagalibáy niana dinhi?

Claudio--Pahibaloón ta ang Superior, tingali mayá kilid ang pasanginlan.

Samuel--Adtoa. Hulaton ko ikaw dinhi.

Claudio--! Atua man sa Capilla, misimba pa man!

Samuel--Bisan, adtoa gayúd, pahibaloá. (Si Claudio madalagan padulong sa kilid nga wala).

GULÁ X

Si Samuel nagakiyogpos.

Samuel--! Kinsa ugód kahi ang nakauko sa pagsalibáy ping bata dinhi sa atabay? ! Diin ugód kahi kiní guikan? (Mokaha pagbalik sa sug-ana ug iwagan ang bata). Daw bag-o pa man nga namatáy. May dugo pa ang baba ug ilóng. Sa akong pagsabít, bag-o pa kiní guianák. Masusi kí i kuro kong kinsa ang nagsalibáy. Dili kiní malilóng. Hibaloán gayúd.

GULÁ XI

Si Sor Marta, Claudio ug mga colegiala managdalagan guikan sa kilid nga wala.

Marta--! Unsa? ! Unsa?

"Colegiala"--! Unsa? ! Unsa? (Magubút silá ug alirongan ang iniatáy).

Samuel--Batang patay. Hikit an namo sa atabay.

Marta--!Mga langhi! !Diin ugol' kini guikan! (Manguros makadaghan).

Claudio--Sa atabay.

GULÁ XII

Mogula si Numis, guikan sa kilid nga wala. Nagatul-ob sa cipa nga igamisa uban ang sacristan.

Numa--(Sa sulod p.) !Unsa, unsa kana! (Sa gulá na).
!Unsay inyong hikit-an!

Samuel--Batang patay.

Numa--!Diin guikan!

Claudio--Sa atabay.

Numa--!Jesus, Jesus, Jesus! !Kinsa ang nagsalibay niana!

Samuel--Ambut lang. Sa ikatoló nga pagtimba ni Claudio nadala ang usa ka putós ug ang pagbukhid namo kunang bita ang sulod.

Numa--!Kinsa kaha ang nag-among-among!

Marta--!Unsaon ta man kana karón!

Numa--Ayaw kamó kilising. Sumalig kita sa mga langit, kang San Vicente de Paul. (Montabang sa sacristan). Ikaw sacristan, tawga karón diyon sa akong bahin, ang Juez. Pahibalod ning nahitabó.

Sacristan--!Hain man ang baláy sa Juez!

Numa--H. dool da kaayo dinhi. Inggula mo sa dahan, sa too, ang ikatoló ka baláy.

Sacristan---Kong natulog pa?

Numa---Ipapakaw. Dalagan,... (Ang sacristan modalagati padulong sa ganghaan sa taliwala).

GULÁ XIII

Numa, Marta, Claudio, Samuel ug mga "colegiala".

Numa---Bantaye ninyo kana, Samuel. Waláy maghila-būt kay tingali unya maaugin kita. Ikaw Claudio, kuha-a didto ang mga suga. (Si Claudio mokuha sa mga suga).

GULÁ XIV

Numa, Samuel, Marta ug mga "colegiala".

Marta---Pagkabanyaga sa tawo nga nagsalibay dinhi nianang bata! Buat kita among-amongan.

Numa---Hilom, hilom lamang Sor Marta. Ang matnood molutaw guihapon. Dad-a na kanang mga "colegiala" ngadto sa taas. (Si Marta ug ang mga "colegiala" manglakaw padulong sa kilid nga toò, apan mahibalik inigtawag ni Numa). Ayaw usa diay. Sor Marta, Sor Marta, bulat usa kamó. Maayo kaha nga bulatón ta ang Maghuhukom arón makita niya nga walá kitáy salá. Paglaray kamó. (Si Marta ug mga "colegiala" managlaray).

GULÁ XV

Mosulod si Claudio dala ang mga suga.

Marta---; Unsa man kahá ang isokót kanato sa Maghuhukom?

Numa--Ayaw usa, pangotan-on ko una ang tagsatagsa (Moduol sa "colegiala" nga atua sa usá ka tumóy). ; Walá ka mahibaló kóng kinsa ang nagsalibág sa atabay nianang bata?

"Colegiala"---Walá. (Kining suknaa balikbalikon sa tagsatagsa ka "colegiala" ug maó guihapon ang itubág).

Numa--Na, mga anák ko. Ayaw kamó kalisang. Lina-wa ninyo ang inyong hunahuna. Dili kamó magkonókenó sa pagtubág sa mga isukna sa Maghuhukom. Ug kamó Samuel, Claudio, mamulong sa matuod, kutub sa inyong hiba-loán. Matngonan ninyo ang mga sakua, tinga-li lintuaglintuagon kamó.

Marta--Ang walá ko hisabi kong diin lagi kanáng bata ang pagsalibáy dihá sa atabay.

Numa--Tingali dinhi sa ganghaan.

Samuel--Dili mahimo. Kanáng ganghaana guinakutan kutub gahapon sa hapon.

Numa--; Ah!.. Tingali guisalibáy. (Mohangád sa paré). Tan-awa ninyo: hamobó kaayo ang paré ug

masayón ang pagsalibáy.

Tanán---¡Ah!... (Madungóg ang tuktok sa ganghaán).

Numa---¡Kinsa kaná? ¡Kinsa?

Maghuhukom---(Sa sulod). ¡Ang Mahuhukom!

Marta---Ang Maghuhukom adia na. Buksi, buksi.

GULÀ XVI

Sa ganghaan sa taliwala mosulod ang Maghuhukom,
Escribano, Sacristan ug mga sundalo.

Maghuhukom---¡Maayong buntag!

Numa---Maayong buntag.

Marta---Maayong buntag.

Maghuhukom---¡Unsay nahitabó?

Numa---Tan-awa lamang. (Itudlo ang minatay).

Maghuhukom---¡Diin kaná guikan?

Numa---Sa atabay.

Maghuhukom---¡Kinsa ang nagsalibáy.

Numa---Maó kaná ang walá hibaloí.

Maghuhukom---¡Ngano nga walá hibaloí?

Numa---Kining duhá ka binatonán maó ang makag-
asoy kay maó ang nanagpakakitá niana.

Maghuhukom---¡Hain kanang mga binatonan?

Numa---Claudio, Samuel, marika kamo, (Modool sa Mag-
huhukom).

Maghuhukom---Capellan: padalá diri usá ka lamesa ug
lingkoranan.

Numa—Claudio, Samuel, kuba kani didto duha ka lingko-
 ranan ug usa ka lamesa. (Si Samuel ug si Clau-
 dio mosulod sa kilid nga wala. Ang Mag-
 hinhukom magasinroysnfoy).

GULA XVII

Maghinhukom Escribano, Numa, mga "colegiala" ug
 sundalo.

Maghinhukom—;Pipila ang mga 'colegiala?"

Numa—Maó kining tanan:

Maghinhukom—;Ang Superiora?

Marta—Magsugo ka.

Maghinhukom—;Kining imong mga "colegiala" pulós mga
 dalaga?

Marta—Mga dalaga angtanán (ang Maghinhukom maga-
 sud-ong sa mga nawong) tungud sa akong mga
 sakop ayao lamang katahap. Niining Monas-
 terio, ning balay ni Bathala, walay maka-
 ako sa paghimo nianang makalilisang nga
 sala. Kining gihimo kanamo, usa ca pag-
 amóng sa dungóg nga putli ng walay bu-
 ling ning Colegio.

Maghinhukom—;Diin man diay kaná gikan?

Marta—Sa akong pagsubut sa gawas.

Numa—Maó usab ang akong hunahuna, sa gawas gayud.

Maghinhukom—;Diin man iagui?

Numa---Kining parél hamobó kaayo ug masayón ang pagsalibáy. (Ang Maghuhukom magalingolingó).

Maghuhukóm---;Tuyoan na gayúd ang pagsalibáy nganhi sa sulod ug mahatoon na gayúd usáb sa atabay?

Numa---Maó kaná ang nahibulongan ko.

Maghuhukom---;Mahibaló na gayúd ang mga tawo nga tungud ning parél may atabay? (Magalingolingó).

GULÁ XVIII

Mogula si Samuel ug Claudio, dala ang lamesa ug mga silla.

Numa---Diri ibutáng. (Itudlo ang taliwala sa escenario).

Maghuhukom---Escribano, pagsulát na. (Ang Escribano molingkod ug mosulat). Usá sa mga bination moatubang diri. (Ang Maghuhukom molingkod usáb. (Si Samuel moduol). ;Manumpa ka sa pagpamulong sa matuod sa tanáng ipangotana kanimo?

Samuel---Manumpa.

Maghuhukom---;Kinsay ngalan mo?

Samuel---Samuel Giomi. (Ang Escribano magsulat).

Maghuhukom---;Taga diin ka?

Samuel---Taga Nápoles.

Maghuhukom---;Pilá ka tuig ang imong kinabuhi?

Samuel---Kalohaán ug upát.

Maghuhukom---;Unsay katigayonan mo?

Samuel---Binatonán ning "Colegio".

Maghuhukom---Ipamulong mo karón ang tanán mong hibaloán, mahatungúd ning bata nga hikitan sa atabay.

Samuel---Si Claudio ug akó nanganaog kami karóng kaadlawon arón sa paghakot sa tubig nga ikaligo sa mga "colegiala". Sa ika toló nga pagtimba ni Claudio, usá ka putós ang nabalá. Kanguon namo usá ka saya; apan ang pagbukhad namo, batang patáy ang among hikitan. Tungúd sa among kalisang, guipahibaló namo ang "Superiora" ug ang "Capellan" nga didto sa simbahan nagamisa.

Maghuhukom---;Walá ka na ing lain nga hibaloán?

Samuel---Walá na.

Escribano---;Maantigo ka nga motimaan?

Samuel---Maantigo man.

Escribano---Timan-i (Si Samuel motimaan).

Maghuhukom---;Hain ang usá ka binatonán?

Numa---Claudio. (Si Claudio moduol sa Maghuhukom).

Maghuhukom---;Manumpa ka sa pagpamulong sa matuod sa tanán nga ipangotana kanimo?

Claudio---Manumpa.

Maghuhukom---;Kinsay ngalan mo?

Claudio---Claudio Mosca.

Maghuhukom---;Taga diin ka?

Claudio---Taga Milán.

Maghuhukom---;Pilá na ka tuig ang imong kinabuhí?

Claudio---Calohaán ug toló.

Maghuhukom---;Unsay katigayonan mo?

Claudio---Binatonán ning "Colegio".

Maghuhukom---Ipamulong mo karón ang tanán mong hibaloán mahituugúd ning bata nga hikít-an sa atabay.

Claudio---Karóng kaadlawon, si Samuel ug akó nanga-naog aron sa paghakot sa tubig nga ikaligo sa mga "colegiala". Sa ika toló ko nga pagtimba, nahibulong akó nganong mabug-at ang timba. Sa sinugdan kaingnón namo nga usá ka saya nga nahulog sa atabay; apan ang pagbukhad ug pag-iwag sa sugá, nahitingala kami kay bata man nga patáy ang sulod sa putós. Guilayón gnipahibaló ko ang "Superiora" ug ang "Capellan".

Maghuhukom---;Walá ka na ing lain nga hibaloán?

Claudio---Walá na.

Escribano---;Maantigo ka nga motimaan?

Claudio---Maantigo.

Escribano---Timan-i. (Si Claudio motimaan).

Maghuhukom---Didto ka sa daplin. (Si Claudio moipon kang Samuel nga nagabaróg sa daplin).

Maghuhukom---"Superiora" sa "Colegio", palihog pagduol diri. (Si Marta moduol) ;Manumpa ka sa pagpamulong sa matuod sa tanan nga ipa-

ngotana kanimo?

Marta---Manumpa.

Maghuhukom---;Kinsay ngalan mo?

Marta---Marta Borgia.

Maghuhukom---;Taga diin ka?

Marta---Taga Venecia.

Maghuhukom---;Pilá ka tuig ang imong kinabuhi?

Marta---Cap-atán ug... waló.

Maghuhukom---?Usay katigayonan mo?

Marta---"Superiora" ning "Colegio".

Maghuhukom---Ipamulong mo karón ang tanán mong
hibaloán mahitungúd ning bata nga hikít-an
sa atabay.

Marta---Walá akoy ikapamulong nga daghan. Akó ug
ang mga "colegiala" nanimba sa "Capilla" ug
sa dakóng paghikogáng guipahibaló akó ni
Clandio nga sa atabay may hikít-an nga ba-
tang patáy.

Maghuhukom---;Maó ra kaná ang imong hibaloán?

Marta---Maó ra.

Maghuhukom---(Magalingalingo). Dili mahimo. Manigt-
ngit kaayo kini. Hulat usa. (Motindog ug
moduol sa mga sundalo). Sakuwata ninyo
ang minatáy. Ibutáng diri (Itudlo ang la-
mesa. Adto ibutáng ang minatáy).

Escribano---iKning bata... (Mahatingala) may higót sa
liog (Ang Maghuhukom molili).

Maghuhukom---Tuod. Badbara.

Escribano---(Badbaron). Panyong seda ang guihigót. (Itu-
nol sa Maghuhukom).

Maghuhukom---(Bukharon ang panyo). ¿Unsa kini? ¿May
ngalan? Maó kini karón ang makahatag sa
kahayag. (Lukoton ang panyo ug magbina-
klid). "Superiora", paduola tagsatagsa ang
mga "colegiala".

Marta---Marika kamó. (Ang mga "colegiala" magasumpot
sa pagduol ang tagsatagsa. Si Aurora ma-
ulahi).

Maghuhukom---(Sukton ang nahauna). ¿Kinsa ang nga-
lan mo?

"Colegiala 1.a"---Marianina Brissi.

Maghuhukom---Hulát diri. (Itudlo ang daplin). ¿Kinsa
ang ngalan mo? (Pangotan-on ang ikaduhá).

"Colegiala 2.a"---Lucia Marconi.

Maghuhukom---(Palakton sa daplin). ¿Kinsa ang ngalan
mo? (Pangotan-on ang ika toló).

"Colegiala 3.a"---Adelina Siabo.

Maghuhukom---(Palakton sa daplin. ¿Kinsay ngalan mo?
(Pangotan-on ang ika upát).

"Colegiala 4.a"---Margarita Crispi.

Maghuhukom---(Palakton sa daplin). ¿Kinsay ngalan mo?
(Pangotan-on ang ika limá).

"Colegiala 5.a"---Leonor Zabaschi.

Maghuhukom---(Palakton sa daplin). ¿Kinsay ngalan mo?

(Pangotan-on si^r Aurora).

» **Aurora**---Aurora...

Maghuhukom---(Mahatindog ug mahikugáng.) ¿Unsa?

Aurora---Aurora Ballini.

Maghuhukom---Icao ang tag-iya ning panyo? (ipakita ang panyo. Ilhon ni^r Aurora).

Aurora---Akó.

Maghuhukom---Walay duhaduha, ikaw ang makasasala.
Mga sondalo! dacpon kining babaye.

Aurora---Walá akoy salá. Ang Lafigit maó ang akong saksi. (Mihilak kaptan sa mga sondalo. Si Numa, Marta ng mga "colegiala" manghi-kugáng ug managhoñgihong).

Maghuhukom---Capellan: ¿Kinsa kining anak?

Numa---Anák ni Conde Roberto.

Maghuhukom---¿Ah... ¿Maó kini ang buut untá kawaton sa usá ka magsasakay?

Numa---Maó.

Maghuhukom---¿Pila na ka adlaw dinhi?

Marta---Pitó pa ka adlaw.

Maghuhukom---Walá nay duhaduha. Kining panyo nga nagadalá sa iyang ngalan maó ang kamatuoran nga dili niya icalimód. Tan-awa (Ipakita "Aurora" (si Numa magayangoyangó.) Unya sa ica 4 sa hapon, icaw ug ang "tanang" co-legiala" mangadto camó sa Hokmanan. Escribano: usá ca sondalo maó ang padad-on

ning minatay, aron ipaila sa mga mananam-
bal.

Escribano---(Mocamay sa usá ca sondalo) dad-a kining
minatáy.

Maghuhukom---Adto na kami.

Escribano---Adto na kami.

Numa---Pag-ayoayo kamó. (Ihatud sa ganghaán. Mang-
lacaw ang Maghuhukom, Esbribano ug mga
sundalo nga nagadalá kang Aurora nga na-
gaminatay).

GULA XIX

Numa, Marta, mga "colegiala" ug binatonan.

Numa---Pagkadakóng kaulawan! Kinsay magpalandung
nga si Aurora ang anak sa Conde maó ang
magbuhat sa usá ka saláng makalilisang?

Marta---Maayo gani kay dili gayúd itugot ní Bathala
nga mabuling ang dungóg ning iyang baláy.

Numa---Marta, ¿unsa pay inyong gihulat dinhi? Balik
kamó sa "Capilla". Iampo ninyo nga si Au-
rora pasiyleon ni Bathala,

Marta---Mga bata, tala na. (Manglakaw si Marta ug mga
"colegiala" padalong sa kilid nga walá).

GULA XX

Numa, sacristan ug mga binatonan.

Numa---Ug kamó, didto kamó sa usá ka atabay kuma-

los sa tubig. Kanáng atabaya makasasalá na Patabunan ta kaná. Si Claudio ug si Samuel manglakaw, talá ang timba ug lata padulong sa kilid nga too).

GULÁ XXI

Si Numa ug ang sacristan.

Numa---Hubo-i akó sa "casulla".

Sacristán---;Dili na ba lamang tapuson ang misa?

Numa---Dili. (Huboan sa sacristan ug pil-on ang mga guisnl ob).

Numa---Huminay ka karón pagduol kang Sor Marta didto sa "Capilla" ug ingna nga paaríon ko siya. (Ang sacristan molakaw sa kilid nga walá).

GULÁ XXII

Si Numa nga usara. Maglingkod ug manampiling.

Numa---(Mamundak sa kamét). ¡Oh, pagkadakóng ka-dant! ;Kinsay magpalandung nga maó kini ang mahitabó? ;Nganong dilá ko isalibáy sa atabay nga hibaloán ko na man untá nga pagatimbaan buntag tanán? ¡Ah! Ma-tuol gayúd nga si Bathala motngot apan dili sa guihapon... (Magahinoktok). ;Unsa kahá ang dangaton ni Aurora? ;Unsa kahá

ang pulong sa Condes! Oh! Kining kasing-
kasing dili malinaw... (Moduko sa lameda
masulubon).

GULA XXIII

Mogula pagdali si Marta sa wala.

Marta---Padre, gupatanag mo ako?

Numa---Marta, (motindog ng mosugat), Da, inakita mo
na!

Marta---(Magalingólingó). Guinakulbaan ako.

Numa---Kong wala pa kita managana nga daan, kong
wala pa nimo ikahigót ang panyo...

Marta---Pagbuot gayúd sa langit!

Numa---Pamati, Marta. Ug si Carolina?

Marta---Tan-awon ko kong unsa na ang guildangat.

Numa---Sguinhí dídto sa mahinay sa nahitabó.

Marta---Kong wala hioli-i ug namatáy!

Numa---(Maghiuuktok). Ato na lamang ilubóng sa
sulod sa "Colegio" aron waláy mahibaló. La-
bon punó sa mga bakog sa mga bata kining
"patio" sa "Colegio", ilpon ta ugód siyá. La-
kat na (Si Marta mosulod sa kilid nga too).

GULA XXIV

Si Numa mobalik paglingkod.

Numa---Unay angay ko buhaton? Kong si Carolina

tumabaw? ;Oh! Alant ug makalolooy kaniya!
(Moknót sa baraw sa sulod sa sotana) ;Lon-
lod ko kining hinaguibán sa iyang dughan!..
Bun-on ko siya. Bun-on ko tungúd sa pag-
laban sa akong kinabuhí. (Mahaurong ug
maghinoktoki makariyot). Apaa.. kong bun-
on ko ;dili hinoon mabutyag na ang ngata-
nán ug mahulog na akó sa kadaan? Dili, dili
dili. Kong siya mangita ug motuyo sa iyang
kamatayón, ilubóng ko siya sa sulod níng
"Colegio" arón waláy mahibaló. Ang iyang
minatáy makaipon sa mga bukóg níng mga
bata nga nanagpahulay sa ilalum níng yu-
tang akong guitumban. (Itudlo ang yuta)
;Ilubóng ko siya. (Mahikugáng). ;Unsa ka-
róg nagahob? (Mabati ang kagahob sa di-
naganán ni Marta).

[GULÁ XXV

Mogula si Marta nagadalagan.

Marta---(Magatuyoktuyok sa escenario). Dakúng kadaut
ang atong guidangat. ;Tapus na kita! (Nun-
tan ni Numa).

Numa---(Ngano Marta? ;Ngano?

Marta---Si Carolina hinlán ang pagpakaw ko. Miba-
ngon nangita sa iyang anak ug guigukód akó

Numa---;Guisalimuang kaha?

Marta---Ania na, ania na. (Itudlo ang kilid nga too
Si Numa ug si Marta magkabuang, dili ma-
katoltol sa bubuhaton).

Carolina---Sa sulod magasiyaguit). ;Hain ang akong anak!
;Hain ang akong anak! ;Iuli intawon ninyo!
;Iuli ;Ang akong anak!

GULA XXVI

Mogula sa kilid nga too nagadalagan dunhiay ang
buhok, si Carolina mogukod kang Marta ug kang
Numa nga magatuyoktuyok sa escenario.

Carolina---;Hain ang akong anak! ;Hain ninyo itaghud
;Ang akong anak! (Moluhod ng magaminal-
tay), ;Ang akong anak, hain ninyo ilubóng!
(Duolon ni Numa ug tabunan ang baba).

Numa---;Hilom, hilom, babaye, kong buut ka nga dili
mamatáy! (Si Marta manapong sa iyang-
dalonggan)

Carolina---;Itug-an intawon kong hain ang akong anak!
;Hain ninyo ilubóng! ;Kanton ko intawon!
;Ang akong anak! (Tabunan pag-usab ni
Numa ang baba).

Numa---;Hilom, Carolina! ;Buut ka sa imong kamata-
yon? (Tabunan ang baba).

Marta---;Hilom, Carolina, hilom!

Numa---Carolina, ;buut ka sa imong kamatayon?

Carolina---;Dili pa igo nga guipatáy ninyo ang akong
anák, akó nsáb inyon patyon?

Numa---Patyon ko ikaw kong dili ka motilom.

Carolina---;Patya akó, Numa kong dili ninyo iuli ang
akong anak! (Motiabaw). Ang akong anak!

Numa---;Patáy ka na! (Luoken ang llog ni Carolina
nga mahayáng).

Carolina---;Anak ko...

TABIĻ.

Katapusan sa ikaduhang bahin.

BAHIN III

PULOYANAN SA CONDE, USA KA HIGDAANAN SA DAPLIN SA TOO. ANG CONDE NATULOG; GABI WALAY SUGA

GULÁ I

Conde--;Oh, anak ko! ;Hain ka? ;Aurora sa akong kalá! ;Anák kong pinalangga! ;Nganong guibulingán mo ang dungóg sa imong tigulang nga amahán? ;Ngano nga guitagaan mo akó ning kasubú nga makapadali sa akong kamatayon? (Pausa). ;Pagkamakaunlaw ning imong guidangat! Ikaw anak sa usá ka Conde, anaa ka karón sa usá ka mangitngit ug mahugaw nga bilangoán.. Guipasinginlan nga maó ang inahán sa bata nga hikitan sa atabay sa "Colegio..." (Sa taliwala sa tabil butangán usá ka ganghaán nga matukabtukab. Buksan ug makita ang damgo sa Conde. Si Aurora nagadukó sa sulod sa bilangoán ug ang Conde nagabaróg) ;Aurora! ;Aurora! Katapusan na lamang kahá kiú! nga pagkita ta! Akó tigulang na

ug h-mobó na lamang ang akong kinabuhi. Sa d-kóng kaulaw manaog akó sa lubnganan kay guibulingán mo ang akong mga úban. Kining buot ko waláy kalinawan..
 ;Manamilit na akó! ;Aurora! ;Adto na akó!
 ;Hinaut untá, anák ko maluwas ka ning kadautan! Kong maluwas ka ug makita nga walá kay salá, dumduma ang lubnganan sa imong amahán ug paagasi sa imong mga luba arón akó magmalinaw sa mabugnaw nga lubnganan. Kóng mabati ko na ang imong mga mainit nga luba, timaan anák ko, nga napapas mo ang yanáng nga imong guisablig sa akong putlinga dungóg. (Pausa).
 ;Walá kay salá! ;Unsa? ;Walá kay salá!
 ;Usá ka mabudhion nga butangbutang?
 ;Oh! Malisód kaayo nga tohoan ka. Ang imong panyo ug ang imonggugma kang Ernesto maó ang mga kamatuoran nga dili molimód.

GULÁ II

Mohayag ang escenario. Mokunsad, guikan sa taas ang usa ka Manolonda.

Awit sa Manolonda.

**;Roberto! ;Roberto! ;Roberto!
 patalinghugui ang tingog ko:**

ang imo karóng damgo
makaluwás sa anák mo.

...

Ang imong mga luha
midangat sa tiilan ni Bathala
;pagmata! cay si Aurora mong pinalangga
putli guihapon ug waláy salá.

Manolouda—**Roberto**: Ang katarungan kalibutanon ná-
sayóp Sa mga matá sa katawhan makasa-
sala ang imong anák apan sa mga matá ni
Bathala ang imong anák putli. Karón ma-
bukwi mo na ang imong dungóg ug ang
imong pinalanggang anák makagawás. (Mo-
ducó sa salóg ug mamundak). ¡Lucifer! ¡Hari
sa Kangitngitan! Paatubanga karón dayon,
ang matuod nga makasasala. (Molupád pag-
balik sa kahitas un, iniwagan sa daghang
bengala ug dinuyogan sa mga awit nga la-
ngitnon nga madungóg. Ug unya madungóg
ang tingkagol. Sa taliwala sa escenario ma-
bukás ang usa ka lungág: mogulá ang dag-
hang asó ug ang kahayag sa benggalang
pulá. Mahatungha si Lucifer nga mangosmo
ug magangolob).

Lucifer—**Ang Hari sa Infierno** ania na! Hulát usa díbá.
(Itudlo ang lungág nga iyang guigul-an. Mohi-
nay pagduol sa higdaanan sa Conde). ¡Tigulang!

¡Tigulang! ¡Tigulang! (Ang Conde magapara-
yon pagkatulog). ¡Akó si Lucifer! ¡Ang Hari
sa Kangitngitan!

Conde---¡Bathala, Bathala ko! ¡Tabangi akó!

Lucifer---Tigulang, ayaw kalisang. Akó si Lucifer! ¡Ang
Hari sa Kangitngitan!

Conde---¡Unsa, unsay tuyo mo kanano? ¡Dad-on mo akó
sa imong guingharian?

Lucifer---Dill. Akó mianhi sa pagtuman sa mga tingu-
ha sa usá ka kalág nga sakop ko. Ayaw
kahadlok. Kuha-a kanáng mga kamót sa
imong nawong. Pamati.

Conde---¡Unsa? Ipahayag ang imong tuyo.

Lucifer---Mianhi akó sa pagkuyog sa usá ka "colegiala"
nga mahulog sa infierno ug may tinagoan
nga itag-an kanimo.

Conde---¡Hain man?

Lucifer---Hulat usa. Tubagá kining ipangotana ko ka-
nimo. ¡Ikaw ba si Conde Roberto?

Conde---Akó.

Lucifer---¡Ikaw ba ang amahan-ni Aurora nga gupasa-
ngiulan nga maó ang inahan sa bata nga
bag-ong giulanák nga hikit-an sa usá ka atabay?

Conde---Akó.

Lucifer---Maayo. Ayaw kahadlok. Hulat naa.

GULA III

Si Lucifer moduol sa lungag ug kuhaon niya guikan sa kahiladman ang kalag ni Carolina.

Lucifer---Tan-awa! Tan-awa! Conde. ;Nakaila ka ning babayhana?

Conde--Walá.

Carolina---Akó si Carolina Molinari, "colegiala", matuod nga inahán sa batang hikit-an sa atabay.

Conde---Bathala ko! ;Matuod kiníng hidunggan ko!

Lucifer---Matuod. Pamati.

Carolina---Usa ka gabii guingaw sa akong mga bukton ang akong anák ni Sor Marta, Superiora sa "Colegio" ug guisalibáy sa iyang banyagang amahán sa atabay.

Conde---;Kinsa man ang amahán?

Carolina---Ang "Capellan" sa "Colegio". Si Padre Numa. Mibalik akó sa kalibutan arón sa pagluwís sa imong anák nga nagaantus sa bilanggoán tungúd kanako. Si Aurora guibutangbutangan lamang.

Conde---;Matuod ba kahá, Bathala, kiníng guinapamati ko?

Lucifer---;Matuod. Parayon sa pagpamati, Carolina, Carolina, parayon sa pagsaysay.

Carolina---Tungúd sa akong makalilisang nga sala ania

ako sa kabiladman sa i. fierno, nagaantus sa mga pagsakit nga walay kapasig ingnan. Aron makuhis kining kangotngot giing hinahanna ug aron malinaw ang akong buot bisan adia sa kalisdanan, misanghid ako kang Lucifer sa pagbalik sa kalibutan ug sa pagtung-an kanimo sa matuod. Ang mga kamatuoran ning akong guipahayag, adto mo igkita sa mga aparador ni Sor Marta nga maó ang nagatipig sa mga sulat ni Numa. Sa sulatan usab ni Numa igkita mo ang akong mga sulat ug uban pang mga butang nga makagmatuod ning akong sala.

Conde---Apan. ¿Kanus-a ka mamatáy?

Carolina---Sa maóng kaadlawon sa paghikaplag sa bata! didto sa atabay, acó nanaog sa "patio" kay guipangita ko ang akong anác. Sa pagkakita kanako ni P. Numa, guilook ako ug guilubong ang akong lawas sa sulod sa "Colegio" nilang duhá ni Marta. Ipakaot ang "patio" ug anha hikit-i ang akong bukóg ug ang mga bukóg sa daghang mga bata nga guipanglubóng nianang balaya.

Conde---Makadaghan na diay buhata sa "Colegio" kaniang sala-a?

Carolina---Makadaghan! (Dili maisip!)

Lucifer---Walá ka nay isulti?

Carolina--Wala na.

Lucifer--Lakaw. Paoli na sa imong guinharian. (Lakaw (Matmunda. Si Carolina mahauna sa pag-sulod ug mahaunod si Lucifer. Mapalong ang kahayag sa benggala).

GULÁ IV

Si Roberto nga usara.

Roberto---¿Unsa ang nakita ko? (Motindog ug dagootan ang kandila) ¿nagadamgo akó? ¿Unsa kadatong nadungóg ko? (Mahatingala ug magpanglingi). ¿Damgo ba kaha? Usa ka Manolonda sa langit mikunsad ug nakigsulti kanako si Lucifer mitongha dinhi. Si Lucifer ubán ang usá ka kalág nga atua sa inferno. (Maghinoktok). Subaysubayon ko. Handumon ko. Akó natulog; hidamgoan ko ang akong anak nga atua sa bilanggoán. Hidamgoán ko nga miadto akó sa bilanggoán sa pagpanamilit kaniya. Hidamgoan ko nga siya namalibad nga siya waláy salá; usá konó lamang ka pagbutangbutang. Ug unya... nahitungha ang usá ka Manolonda guikan sa itaas, nag-ingón nga ang katarungang kalibutanon masalaypon sa mga matá sa katawhan ang akong anak makasasalá; apan patil

sa mga matá ni Bathala. Mabawi ko konó ang akong dungóg ug ang anák ko makagawás. Sa pagkahuman mibalik sa itaas apan nagasangpit nna kang Lucifer hari sa Kanitngitan, Kini mahatungha guilayón. Nalisang akó: si Lucifer dihá sa akong atubangan. Misulti. Miingón nga mianhi siya sa pagknyog sa usá ka kalág nga may tinagoan nga itog-an kanako. Ug sa pagkatapus, mitungha ang usá ka kalág nga nagasul-ob sa pagka "colegiala". Mitug-an sa iyang ngalan si... Carolina Molinari Miingón nga siya konó ang matuod nga inahan sa batang hikit an sa atabay. Usá ka gabii guilagaw konó sa iyang mga bukton ang iyang anák ni Sor Marta ug guisalibáy sa amahan nga si Padre Numa sa atabay. Ang mga kamatuoran atua konó sa mga aparador ni Sor Marta ug sa sulatán ni P. Numa. Sa maóng kaadlawon sa paghikaplag sa bata didto sa atabay, nanaog konó siya sa "patio" kay gupingita niya ang iyang anák, apan ang pagkakita kaniya ni Padre Numa guilook siya ug guilubóng sa sulod sa "Colegio". Ipakaot konó ang patio kay anaa ang iyang mga bukóg ug ang mga bukóg sa daghang mga beta. (Pausa). ;Unsa pay pulong? ;Walá

na! Nasag-nle ko pag-ayo. Kong matuod
kini si Aurora diay waláy salá. Apan... ;dili
matuod ba kahá kining damgo ko? ;Dili ba
kahá kini usá ka lamat ug limbong sa yawa?

GULÁ V

Si Roberto guihaon nga usara.

Conde---;Aurora! ;Pagbuút na sa kalangitan! nga ma-
kita ang pagkawalá moy salá! (Mokuha sa
kandila). Karónkarón adtoon ko ang Mag-
huhukom ug isumbong ko ang ngatanán nga
akong hibaloán. Oraš pa nga kapahulian ang
akong anak sa iyang dungóg. (Mosul-ob sa
iyang sapót). Karónkarou, bisan tungáng ga-
bii pukawon ko ang Maghuhukom. Masusi
karón ang tanán. Pukawon ko si Bruno.
(Moduol sa sa ganghaán sa kilid nga too).
;Bruno! ;Bruno! ;Brunooooo!

Bruno---(Sa sulod). Conde.

Conde---Pagmatá. Bangón. Madali. Madali. Bruno, madali.

GULÁ VI

Megula si Bruno nga bag-ong nahagmata

Bruno---;Unsay isugo mo, Conde?

Conde--Kalipay, binatonán kong pinalangga.

Bruno—¿Ngano?

Conde—Si Aurora waláy salá. Maluwás.

Bruno—¿Matnod? (Malipay).

Conde—Matnod. Karón dayon luwasón ta siya. May mga kamatuoran na akong hisakpan nga ang akong anak guibutangbutangan lamang. Karón dayon pahibaloón ko ang Maghuhukom. Dagkoti ang sug-anán ug ubán kana-ko. Madali. (Si Bruno mokuha sa sug anán ng dagkotan). Madali, madali. (Mosukob sa iyang kalo,

Bruno—Ania na guinoc.

Conde—Tala na, madali. (Manglakaw).

LAING DAPIT

USA KA DALAN SA VENECIA. KAADLAWON. DUHA KA
SERENO NAGASUROYSUROY

GULÁ VII

Sereno 1.0—¿Unsa nang orasa?

Sereno 2.0—(Motan-aw sa orasán). Hapít na ang ika 4

Sereno 1.0—Salamat hapit na kitá mamahulay.

Sereno 2.0—¿Duna kay tabako?

Sereno 1.0—Duna, ¿baut ka?

Sereno 2.0—Tagai akó. (Manabakó silang duhá).

Sereno 1.0—Kauban, dugay na kitá nga maghigala, apan bansagon dá nimo ang akong hiilhan. ¿Kin-sa bay ngalan mo?

Sereno 2---Si Federico, Federico Sarti.

Sereno 1.0---Ang imong ngalan nagapahanumdom ka-
nako sa anak ni Duque Jorge.

Sereno 2.0---;Kinsang Duque Jorge?

Sereno 1.0---Kadtong tigulang halangdon nga dili pa
karon dugay mignikan padulong sa Francis
sa pogpangita sa ivang anak nga nawala.

Sereno 2.0---;Oh! nakaila na ako. Hibasahan ko kanang
balita sa "Observatore Romano",

Sereno 1.0---Kahibulongang dakú ang pagkawala sa anak
sa Duque. Ang ubang nagaingon nga milang-
yaw sa laing ynta tungud sa kasukó. Daghan
ang nakatoo niini, kay sa adlawong pagka-
gubut sa Palacio ni Conde Roberto, tungud
sa iyang anak nga dalaga nga tabanon untá
sa usa ka magdadagat, maó man usab ang
pagkawala ni Federico, anak sa Duque.

Sereno 2.0---Si Federico maó man untá ang mangasawa
kang Aurora, nianang anak ni Conde Ro-
berto nga karon guibilanggo kay maó konó
ang inahan sa batang hikit-an sa atabay sa
"Monasterio" ni Santa Ada.

GULÁ VIII

Moabut ang Conde ug si Bruno.

Conde---;Bakakon! ;Kinsa ka? (Iwagan ni Bruno ang

nawong sa sereno. Ang mga sereno manghikugáng ug mangluspád). Hidunggan ko ang imong sulti. ¡Bakakon! Ang akong anák dili maó ang inabán sa batang hikit-an. Kong walá pa karón-akó magdali.. (Itukmod ang sereno) makatilaw ka ¡bakakon! (Si Bruno ug ang Conde parayon paglakaw ug mosulod sa too).

GULA IX

Ang duha ka sereno.

Sereno 2.0---Makatilaw ka.

Sereno 1.0---¡Ngano? ¡Unsay salá ko? Lakíp kining mga bató nga atong guitumban nangasayod sa pagkaagui sa iyang anák, ug hangtud karón anaa pa man gani sa bilanggoán, ipón na hinoon kang Ernesto, kadtong magdadagat nga buut motaban kaniya; apan ¡ngano bang walá ka man magbuyág kanako nga dihay mga tawong nangagui?

Sereno 2.0---Walá akó makakítá. Ug labut pa, ¡kinsa may nagpalandung nga si Conde Roberto mooagui dinhi ning orasa? (Ang lingganay mobagting sa ika 4).

Sereno 1.0---Usá, duhá, toló, upát., Ika 4. Tala na. Dag-

guay moulán. (Manglakaw sa walá ug ma-
dungóg ang dalogdog).

LAING DAPIT

DUHA KA BILANGGOAN NGA MAGSILINGAN.—SA TOO
SI AURORA NGA NAGAHIGDA, HINIKTAN ANG MGA
TIIL SA TALIKALA.—SA WALA SI ERNESTO
UG ANG IYANG MGA KAUBAN: NAGALIM-
BAS SA BABAG SA USA KA TAMBO-
ANAN.—MANGITNGIT: SA BI-
LANGGOAN NI ERNESTO DU-
NAY KANDILANG DINAG-
KOTAN.—NAGADA-
LOGDOG.

GULÁ X

Aurora, Ernesto ug duha ka magdadagat.

Ernesto---;Walá pa? (Magsuroysuroy).

Lorenzo---Hapit na Dili na madugay.

Ernesto---;Pilá pa ka babag ang walá maputól?

Lorenzo---Duhá na lamang.

Ernesto---Dali-a ninyo, kay dagway kaadlawon na. (Ma-
taktak ang usá ka babag).

Lorenzo---Usá na lamang gayúd.

Ernesto---Dali, dali-a ninyo. (Kusgon ang paglimbas). Pa-
hamuslan ta ang kasaba sa dalogdog.

Lorenzo---Hapit na.

Ernesto---(Moduol sa parél nga iyang gnilungagan). Igo
na ba kahá kini nga kalutsan ta? (Mokuha-

sa barra ug usbon pagdngkal: matakak ang duhá ka bató). ¡Oh! Igo na kaayo kini!.. ¡Oh! Kagawásan pagkamahál mo!

Lorenzo---Natapus na gayúd... (Matakak ang katapusang babag sa tamboanan).

Ernesto---¡Salamat kang Bathala! (Moduol pagdali sa tamboanan ug molusót sa bilangoán ni Aurora ug kaptan ang kamót niini).

Aurora---¡Ernesto! (Mahigmatá ug mobangon). ¡Guiusa mo pagsulod dinhi? (Mahatingala).

Ernesto---Tala na ang oras sa atong kagawasan miabút na.

Aurora---¡Tinuod?

Ernesto---Tan-awa... (Itndlo ang tamboanan nga iyang guiaguian).

Aurora---¡Guiusa niyo paggubá.

Ernesto---Gahapon gitonolan akó ni Dorotea didto sa tamboanan sa usá ka limbas ug ti'ook nga gabii among guihinayhinayan pagputól ang mga babag ning tamboanan. Ug usá sa mga babag nga puthaw maóy among guigawi paglungag sa parél. Tala na, Aurora. Kiníng guibuhat ko usá ka kamatuoran nga walá akó tomoo sa makalilisang salá nga guibutangbutang kanimo.

Aurora---Ug unya jasa man kitá padulong?

Ernesto---Tanén inandam na sa lapyahán sa dagat atuay

sakayan nga inandam kanato ni Dorotea. Mangguikan dayon kitá. Maayo kay mangitngit pa ug ang langit naputós sa dag-um. (Madungóg ang dalogdog ug ang kahayag sa kilat molapús sa mga babagbabag sa usá ka tamboanan). Dali na, Aurora.

Aurora---(Motindog; apan dili makalakát sa halayó kay ang mga tiil hiniktag sa mga talikala). ¡Ug kining mga talikala unsaon ko man pagbadbad?

Ernesto---Ayaw usa. (Modnól sa tamboanan nga guilut-san). Lorenzo itunol kanako ang limbas. (Kuhaon ni Ernesto) ang limbas ug itunol). Kining diyutayng puthaw maó ang atong manluluwas. (Mopak-ong ug limbasan ang mga talikala sa tiil ni Aurora).

Aurora---Maayo kahá nga biulan ta usá ka snlat ang akong amahan arón mahibaló siya kong asa kitá padulong ug asa kitá niya igkita.

Ernesto---Maayo; apan ¿duna kay papel?

Aurora---Walá.

Ernesto---Ug akó walá usáb. (Maputól ang mga talikala).

Aurora---¡Salamat, Ernesto!

Ernesto---(Motindog). ¡Oh, kinsay magpalandog nga ang usá ka diyutayng limbas maó ang magahatag kanato sa Kagawasan...

Aurora---Duna akoy nahunahuna.

Ernesto---Unsa?

Aurora---Bisan waláy papel ug lapis, mahimo ang pag-sulat sa akong amahán, agawon ang limbasa ug maóy ikudlit sa parél. (Si Aurora maóy magasulat ug si Ernesto maóy magabasa).

Ernesto---"Amahán ko: Ang langit dili mosilot sa mga wáláy salá ug pagbuút na kahá ni Bathala nga si Ernesto ug akó makagawás ning bi-lauggoán nga angay puy-an sa mga mamu-muno. Adto kami sa laing yuta, halayó na kaayo sa Italia. Si Ernesto dili makapuyó na ning atong vutang natawhan kay siya ang nagpatáy kang Federico, tungúd sa pag-laban sa akong kinabuhi. Kiníng tanán isay-say ko kanimo kong itugot sa langit nga kitá managkita pa. Karón ko lamang kiní itug-an kanimo kay nakagawás na man kami ingón sa langgam nga nagalupád sa hangin... Dawata hinigugma kong amahán, ang kata-pusan kong panamilit.....AURORA". (Si Aurora mohilak ug bitaron ni Ernesto sa kamót). Tala na, madali, (Manglusot silá so tamboanang gubá. Ang duhá ka kauban ni Ernesto modawat kang Aurora sa luyó. Ug manglusot silang tanán sa lungág sa parél. Makusúg kaayo ang dalogdog ug ang mga kilat manglusot sa lungág sa parél).

GULÁ XI

Mobukas sa bilanggoan ni Aurora ang Alcaide.

Alcaide---(Moguhó ang ulo). Aurora Bellini, Aurora Bellini... Aurora Bellini... Natulog dagway, (Mawala makariyot ug mosulod magadalá na sa sugá) Aurora Bellini (mosingguít). ¡Walá man dinhi! ¡Hain kahá padulong? (Mobalik sa ganghaan.) Guinoong Maghuhukom ang binilanggo walá diri.

Maghuhukom---(sa sulod). ¡Unsay pulong mo?

Alcaide---Aug binilanggo walá diri.

GULÁ XII

Mosulod pagdali ang Maghuhukom, ang Conde ug ang Escribano.

Maghuhukom---¡Hain man?

Conde---¡Hain ang akong anak? (Magalibotlibot silá sa bilanggoán).

Alcaide---Walá ako masayod kong hain

Conde---Ikaw ang magbalantay ug walá ka masayod?

Maghuhukom---Apan ¡diin bilanggoana nimo ibutang?

Alcaide---Dihi niini... (Magkabuang). Ania pa gani ang talikala nga guihigót sa mga tiil (Kuhaon ang mga talikala sa salóg).

Conde---;Nan hain man?

Maghuhukom---Tan-awon ta sa luyóng bilanggoán. (Modul sa tamboanan nga guinub-an sa mga babag).

Alcaide---(Mahatingala). ;Kinsa ang naggubá niini?

Maghuhukom---;Ngano tinak-opan ba kini?

Alcaide --Tinak opan, ug dihá sa luyó bilanggoa kad-tong mga magdadagát nga brút untá mota-ban sa anák sa Conde.

Conde---(Mosingka). ;Unsa? Tan-awon ta sa luyó. (Ang Alcaide mosulod sa luyó).

Maghuhukom---;Diin kabá mangagni.

Alcaide---(Makakita sa lungág sa parél). Adia'y lungág. Adia'y lungág. Ang parél guilungagan. (Magubút silá ug mangpuudok sa tamboanan sa paglili).

Maghuhukom---;Hain, hain?

Alcaide---Ang parél guilungagan, ang puthaw nga nilangkat (punitón ang puthaw) sa tamboanan maóy guilungag sa parél. (Modalogdog ug mokilat).

Conde---;Hain na man, adia'y ang akong anák nga waláy salá?

Maghuhukom---Waláy duhaduha uangaguiw.

Conde---;Ay Auroral (Mominatay). Asa ko ikaw pangitan!

Maghuhukom---Ayaw kasukó, Conde. Carón nga nakagawas na siya i-kita mo guihapon.

Conde... Ang may sala ning tanán maó kanang mga bahayaga. (Itudlo ang ganhaán sa sulod).

Alcaide... (Makakita sa guisulat sa parél). ¿Unsa kining nabasa ko?

Maghuhukom... ¿Unsa kaná? (Moduol silang tanán ug basahon sa Mughuhukom). "Amahan ko; ang langit dili mosilot sa mga waláy sala ug pagbuút na kahá ni Bathala nga si Ernesto ug akó makagawás ning bilanggoán nga angayán puy-an sa mga mamumuno. Adto kami sa laing yuta, halayó kaayo sa Italia. Si Ernesto dili makapuyó na ning atong yutang natawhan kay siya maóy nagpatáy kang Federico, tungúd sa paglaban sa akong kinabuhi. Kining tanán isaysay ko ra kanimo kong itugot sa langit nga kitá managkakita pa. Karón ko lama ng kiní itug-an kanimo kay mga gawás na man kami ingón sa mga langgam nga nagalupád sa hangin... Dawata hinigugma kong amahan ang katapusan kong panamilit..." **AURORA**". ¿Unsa kining nabasa ko?

Tanán... ¿Unsa?

Moghuhukom... Si Federico, ang anak sa Duque nga nawalá guibunó diay sa magdadagát?

Conde... Mamumuno diay ang hinigugma sa akong anak?

Maghuhukom... Escribano, karón dayon lumakaw ka ug

ipaapas ang mga nangaguiw.

Escribano--(Molakaw pagdali). Adto na ako.

Conde--(Manghupaw). Walá nay duhaduha nangaguiw!

Si Anrora walá intawon magpanghibaló nga hingsakpan na ang mga matuod nga makasasala ng nahaulián na siya sa iyang putling dungóg Pangitaon ko silá karón dayon basin kong hiapsan ko usáb (moatubang sa Maghuhukom). Ug kanáng mga makasasala?

Maghuhukom--Maoy ibanis dinhi. Alcáide iugna ang mga magbalantay nga dag-on diri ang duhá ka dinakpan nga anaa maghulát sa gáwas. (Ang Alcáide molakaw, ibilin ang sugá).

GULA XIII

Maghuhukom, Conde ug Escribano.

Conde--Kin í g tanáng nahitabó, tungúd sa usí ka dá-kóng sayop sa Hokinanan.

Maghuhukom--Dili ko salá, Conde. Ang Balaod magahukom sumala sa makita sa mga matá. Ang usí ka Maghuhukom magahucóm sumala sa mga kamatuoran nga makita.

Conde--Pangayoon ko nga suogong buhi ang mga makasasala.

Maghukom--Sa atong mga balaod walá kanáng mabangis nga silot.

Conde---;Nga bitayon!

Maghuhukom---Makita ra unya kináng tanán kay ania sa akong mga kamót ang mga kamatuoran nga dili malalis, ipahamtang sa mga makasasala ang tanáng kabug-atón sa Balaod.

GULÁ XIV

Mosulod si P. Numa ug si Sor Marta' inubanan sa mga sundalo ug Alcaide.

Alcaide---Ania na,

Conde---;Mga banyagá! (Bunt sumbagon ang pari, apan pugngan sa Escribano).

Maghuhukom---Kiníng duhá ka tawo bilanggoan kutub karón. Hiktan pag-ayo ang mga tiil arón dili makabuhl.

Alcaide---;Gubá man kiníng bilanggoán? (Itudlo ang tamboanang gutá).

Maghuhukom---Ibalhin sa laing bilanggoán. Dili silá pagsultihan bisan kang kinsa. Bulagon mo silá, dili maayo nga mag-apon. Tala na.

Conde---;Mga banyagá! Ang tinchoan ni Cristo guhimo ninyong taptap sa inyong mga malaw-ay nga buhat. Karón magabayad kamó. (Molugnot bunt modasmag sa pari, apan bitaron sa Maghuhukom).

LAING DAPIT

USA KA DALAN SA FLORENCIA.—KABUNTAGON.—ANG
ESCRIBANO, INUBANAN SA DAGHANG MGA SON-
DALO MANAGBALIKBALIK Pagsulod ug GULA,

GULA XV

Escribano--Dali, dali kita paglakaw basin kong hiapsan
ta ang mga nangaganiw.

GULA XVI

Mogula ang duha ka sereno. Usa sa mga sondalo ug usa
ka sereno magakompaskompas ingon sa nagsulti.

Sereno 1.o---(Modali pagduol sa iyang kauban). ¡Nahi-
baló ka sa nahatabó?

Sereno 2.o. ¡Unay pulong sa sundalo?

Sereno 1.o---¡Dacung kagubut!

Sereno 2.o---¡Ngano?

Sereno 1.o--Si Aurora, ang anak sa Conde, walá diay
salá ug hibaloán na ang mga matuod nga
macasasala sa batang hikít-an sa atabay sa
Monasterio.

Sereno 2.o---(Mahitingala). Maó diay ang guidalián sa
mga sondalo: managdakóp sa mga makasasala

Sereno 1.o---Dili. Ang mga macasasala hidakpan na.

kagabii ug karón nagahulát sa silot sa Balad. Kadtong mga sondalo managgukód kang Aurora ug sa iyang hinigugma nga nangaguiw.

Sereno 1.0---Walá akó makasabút. Kong si Aurora waláy salá inganong nangaguiw ug dakpon pa?

Sereno 2.0---Hataas kaayo kining burukaha sumala sa pulong sa sondalo, labut pa nga hibaloán na ang mga matuod nga makasasala, hingsusihán usab nga si Ernesto, ang hinigugma ni Aurora nga nabilanggo, maó diay ang nagpatáy kang Federico anak sa Duque.

Sereno 1.0---Guipatáy diay ang anak sa Duque?

Sereno 2.0---Oo guibunó konó ni Ernesto.

Sereno 1.0---¿Ngano kaháng hisusihán?

Sereno 2.0---Dakúng kahibulongan.

Sereno 1.0---Akó hinoon dili mahibulong niana kay tanan sayud nga si Federico nag-olitawo sa anak sa Conde (Ahl) ug nahibaló ka diay kong kinsa kanang mga matuod nga makasasala sa gipasangil kang Aurora?

Sereno 2.0---Walá.

Sereno 1.0---Si Numa "Capellan" sa "Monasterio," ug si Marta Superiora....

Sereno---¿Bunga sa ilang gugma kadtong hikit-an sa atabay?

Sereno---Dili, Bunga sa.... lalaké ra.

Sereno 2.0--Mamunga ba ang i ke? jha, ha, ha.

GULÁ XVII

Moagui pagdali si Bruno.

Sereno 1.0--Atna ang binatongan sa Conde. Atong
sukton.

Sereno 2.0--Apason ta. Suts! Suts! (Managan).

LAING DAPIT

Hawan sa usa ka Hokmanan—Buntag—Sa kilid nga
tor ar aa ang lingkoranansa Maghuhukom—Dunay
lamesa nga sulatanan sa Escribano—Sa kada-
plinan dunay mga lingkoranan nga gi-
panlingkoran ni Conde Roberto,
Bruno ug mra tawo sa lung-
sod. Sa taliwala, nangling-
kod, binantayan sa mga
sondalo, si Aurora,
Ernesto ug Do-
rotea ang
diruha ca
magdadagat ang
Maghuhucum ug ang
usa ca Man-
lalaban

GULÁ XVIII

Maghuhukom, Fiscal, Conde, Escribano, Bruno, Ernes-
to, Dorotea, usa ka Manlalaban, duha ka magdadagat

ug mga tawo sa lungsod, si Aurora nagalingkod sa lingkoranan sa mga saksi.

Manlalaban---Walá na akoy ipangotana. (Motindog ug mobalik paglingkod).

Maghuhukom---Ang Fiscal walá nay ipangotana sa saksi?

Fiscal---(Motindog) Walá na. (Molingkod).

Maghuhukom---Ang Manlalaban walá nay saksi nga patubangon?

Maghuhukom---(Molingi sa luyó ug luyó. Motindog) Walá na. (Molingcod).

Fiscal---(Molingi usáb. Motindog). Walá na (ug molingkod).

Maghuhukom---Karón buut ko pamati-on ang Fiscal.

Fiscal---(Motindog). Talahurong Maghuhukom: (monbá).

Kutub makutub, karon pa akó makakita usá ka buruka nga ingón niini: ang tanáng saksi pulós nagdapig sa makasasala (itudlo si Ernesto); apan kiní dili ta takús kahibulongan kong hunahunaon ta nga kiníng tanáng mga saksi nanagbakák.---Ang mga guipahayag ni Aurora Bellini dili katoohan kay siya ingón sa iyang guitug-an, maó ang hinigugma sa makasasala. Si Dorotea Patalano dili usáb katoohan kay sumala sa guipahayag sa Conde, maó konó ang sulogoon ni Aurora ug ni Ernesto. Kiníng duhá ka magdadagát labí na usáb nga dili katoohan

(ipanundlo) walá managpakakítá ug waláy hì-baloán, bisan diyutay mahatungúd ning kamatayon ni Federico. Nan, ¿magaunsa ang tinugyanan sa Bálaod ning pagkabutanga? ¿Asa mangita sa mga pasikaran arón sa pagpakita sa salá ning mamumuno?...—Oo guinoong Maghahukom, mamumuno kining tawhana: siya miangkon nga iyang guipatáy si Federico; apan siya karón ug ang mga saksi nanagpanglimbasog sa pagpatoo nga sa iyang paghidoolarón sa pagluwás kang Aurora, siya buut unta dunggabon ni Federico ug maayo ngaling kay naagaw niya ang hinaguibán, ug tungúd sa paglaban sa iyang kinabuhi naaghat siya sa pagtampok kang Federico. ¿Kinsa ang makatoo niini? —Sa akong mga matá mangitngit uyamut kining nahitabó: Walá bisan diyutay nga silaw sa kahayag nga makapatultol kanato sa kamatuoran. Makalilibog kaayo; busa pangayoon ko sa Maghuhukom nga iusuwang ang paghusay ning burukaha unya kong mahiulí na si Duque Jorge amahán sa patáy nga karón atua sa Francia nangita; sa waláy kapuslanan, sa iyang anák nga guibunó....Gui, pamnlóng ko.

Maghuhukom...Bunt ko pamati-on ang manlalaban (ang

mga tawo managhohongihong. Ang Maghuhukom mobagting sa lingganay nga diyutay).
¡Humilom ang tanán!

Manlalaban--- (Motindog), Halangdon Maghuhukom: (mog-
igham) sa dakúng kalipay, nabati ko pag-
ayo ang mga katarungan nga guipahayag sa
Fiscal arón sa pagpasangil nga mamumuno
ang akong guilabanan ng arón sa pagpanga-
yo nga iusuwag ang panghusay ning buru-
kaha unya kong mahiuli na ang amahan sa pa-
táy.---Pipila ra ka pulong ang akong ipaha-
yag arón sa pagpakita sa pagka waláy salá
sa akong nilabanan.---Nabauna.---Mahitingala
ang Fiscal nga ang tanang mga saksi pulos
nanagdapig sa akong nilabanan. ¡Pagdapig
ba diay ang pagpamulong sa kamatuoran?
---Moingón ang Fiscal nga nanagbakák ang
mga saksi; apan walá siya bisan diyutay
nga kamatuoran nga guipakita ning iyang
pasangil.---Guinganlan sa Fiscal, nga mamu-
muno ang nilabanan; apan ¡hain ang kama-
tuoran ning iyang pasangil? ¡Hain? Buut ko
tan-awon: ¡oh! dili, guinoong Maghuhukom;
kiniing akong nilabanan dili mamumuno. Si
Ernesto Baragli, tungúd ning iyang guibu-
hat, mailá ta hinoon ang iyang pagkabilil-
hon. Siya ang nagluwás sa kinabuhi sa

kay mga kauban sa mga makasasala.--Ang Conde, ang iyang binatonán ug mga silingan iyang hinigugma.--Sa mga pagpahayag ning mga saksi milutaw ang pagka waláy sala sa akong nilabanan. Ang tanáng mga saksi nagkaayon sa pagpahayag nga ang nahitabó maó kining mosunód. Usá ka hapon, si Aurora Bellini ug si Ernesto Baragli nag-sulti sa daplin sa dagat. Sa pagkataódtaó miabút si Federico Sarti, anak ni Duque Jorge nga dagay na kaayong nagolitawo kang Aurora. Si Ernesto mitago ug si Federico ug si Aurora nagakasulti sa atubangan ni Dorotea. Si Federico mibalik sa pagpahayag sa iyang gugmang nagadilaab; apan tungúl sa mga kaunay nga pagdili sa babaye, nasakit kaayo ug napauli. Apan sa pagkataódtaód, mibalik, nagdalá sa usá ka baraw: buut siya maghikog apan buut una niya patyon si Aurora. Sa paggukód niya kang Aurora nga naghaná siya sa hinaguibáan ang iyang mga katapusang pulong maó kini: "¡Magkuyog kita sa lubnganan!" Si Aurora midalagan ug misiyaguit... Nan, bisan kinsa nga magatambong niadtong nahatabó. ¡Unsa kaká ang bubuhaton? Waláy duhaduha nga sundon ang buhat ni Ernesto.

Hawiran ang bunt mobunó. Niini wala niya maagaw dihádihá ang hinaguibán ug nagkadumog silá: si Federico bunt motampok sa akong nilabanan ug kini, arón sa paglaban sa iyang kinabuhí, guiliso ang hinaguibari, ug kay midasmag man gayúd sa iya dang kasingkasing mahatuslók ang kangalingon niyang baraw. ¿Hain dihá ang pagkamamumuno ni Ernesto Baragli? ¿Hain dihá ang iyang pagkamakasala? --Sa mga matá sa Fiscal mangitngit caayo ang nahitabó: Wala konó bisan diútay nga silaw sa kahayag nga makatultol kanato sa kamatuoran. Makalilibog konó kaayo. Apan sa akong paghuhukuna labing mahayag pa kini sa adlaw: sa mga guipahayag sa mga saksi misidlak ang kamatuoran dili malalis nga magapaki-ta sa labing bunt sa pagkawaláy sala sa akong nilabanan.--Tangál níng tanán kong guipahayag ang Fiscal waláy kapasikaran sa pagpangayo nga iswag ang paghusay ug pangayoón ko sa halandong Maghuhukom nga ilhon ang pagkawaláy sala ta akong nilabanan.-- Guipamulong ko. (Molingkod, mamahid sa singót ug mohunghong kang Ernesto)

Maghuhukom--Nabati ko ang tanáng mga katarungan sa luyó ug luyó ug karón dayon ipamulong

